

忍古樓詩 定之題

冊一

忍古樓詩 十五卷

共 4 冊 存 4 冊 排架号

0237

運河市州新館

温州市图书馆

索书号码 75.45
1044

登记号码 09628

共4册
(一函)

溫州府志



卷之二

丁丑春印行

志古樓詩

湯濤題



然

如

會

思

蘇

荷

丁巳年
蘇荷
字如

如

思

忍古樓詩總目

卷一 古今體詩六十九首

卷二 古今體詩六十九首

卷三 古今體詩八十四首

卷四 古今體詩五十二首

卷五 古今體詩一百九首

卷六 古今體詩一百二十七首

卷七 古今體詩一百十五首

卷八 古今體詩七十八首

卷九 古今體詩一百十首

卷十 古今體詩八十五首

卷十一 古今體詩一百七首

卷十二 古今體詩七十一首

卷十三 古今體詩九十七首

卷十四 古今體詩一百一首

卷十五 古今體詩一百五十九首

卷一 古今體詩十四首

卷二 古今體詩六十六首

卷一 古今體詩六十六首

古今體詩目

溫如

忍古樓詩卷一

壺園翫月

起甲午訖乙巳存詩三十二首

新建夏敬觀



畫闌懸秋香坐久生明月仰視天宇高
倏忽星漢沒風池開蘋面陰洞耀蘿髮
烟疏增竹媚露微散花暝二三更
滿壺中九華鬪仙骨靜對不覺移徘徊
下林樾

楚江謠

水痕浸地秋蕉綠隔池淺水金魚宿
黃璫墜闌山桂香

紅晶落盤海榴熟楚江涓涓芙蓉花
天風碎佩踏雁沙背廊含愛自無語
歸來銀甲彈箏琶溼蟲鏤根芳心死

嫋然殘妝愁墮蕊香蘭泣露溼朱履蒼苔繡地閒徙倚

畫堂曲

重簾隔畫堂銀葉海沈香真珠寶帳絡翡翠金鈿裝裙
袂繡芙蓉金梯珠履紅鴛鴦懸錦帶孔雀遮屏風蘭舟
楚江水笑倚蒙羅紫相思已百結冰蠶絲繞指玉腕約
瑤環歸衣紅淚斑黃壚思紫玉脈脈春波綠絳地積香
塵新月長照人不見嬋娟子綺羅猶自春

園中暮春

十丈春陰搏桂葉一籬疎雨養薔薇無人識得柯亭竹
斫取新篁抱筍歸

登州海口

一輪白月照天闊，數點黑山生霧寒。
浪沒千鐙初似雨，風吞急水乍成灘。
浮尊雙竹暗不見，晞髮扶桑長未乾。
便逐琴高乘赤鯉，蓬萊樓觀聳闌干。

淨慈寺井

山寺雲深萬花冷，碧松倒破玻璃影。
苔皴古甃綠如玉，的的丹砂夜飛井。
琳宮牙牙高入天，虹梁荷棟相鈎連。
餘材沈棄九泉底，比之溝斷千歲堅。
虬龍瘖咽眠不得，丘山欲負苦無力。
會當劫盡上天去，萬里春雷晝生翼。
南屏千丈發空翠，一禪酩酊萬禪醉。
寒鐘透骨鳴一聲。

大心滿山聲滿寺

孤山謁林處士墓

梅雪晴皎皎鶴天晚颼颼非其人之清妻子寧不差再
拜墓前石起視長松楸遂歌君子詩徘徊出林陬清聲
發遠鐘濁影棄淺流香草不礙人微質終山丘

南昌倉頡廟

春水坳牆冷湖雲擁殿寒靈風肅高屋山鬼哭空壇鳳
德栖皇久龍書寂寞看馨香吾上達萬古一峨冠

和陶淵明形影神三首

形贈影

我受造物塑五管無或虧人各不相肖以別汝我爲面目無好醜固是我獨私影汝定何物奈何絕似之襲同而蹈故雖肖世所嗤仲尼似陽虎尚有過匡危日照不及陰思君轉相疑昂昂七尺軀竊恐爲君欺願君同此修勿復增我悲

影答形

葵陰知衛足樾陰堪息轍人爲萬物靈寧復遜茲哲君今忽相疑我忍默無說生平爲君鑑滋取君不悅念君好修飾未免傷至潔豈知濁世中百歲同一瞥自惟君與我相依最親切一言奉仁者不用生分別

神釋

清明遭物絃不惑匪細故矧於歷劫間常共笑言晤形
汝似泥佛那可河水渡影汝現壁間生理鄰鬼趣二者
無一實奚事相抵牾世無真妍媸亦無真好惡現前身
後名甚非吾所務不觀空入井井堙空不住不觀瓶藏
雀瓶破雀則去井瓶縱長堅於我果何與

顧石公同登掃葉樓

初春木葉茁樓角露林端山色開雲盡鐘聲禮佛殘齧
苔新屐淺裹藜早蟲寒會與幽居共清言樂考槃

海門

霜餘霽色晝排扉海氣旋看澹落暉田穉乍收官足酒
野棉初課吏裝衣魚隨江網番番白雁逐潮船一一飛
真念陸沈能再起生桑曾見摘還稀

懷陳伯嚴

兩餘鐘鼓過秋陂袖手憑樓晚更悲一楫渡江才不易
萬戈迴日世庸知冶城烟炭誰親突吳下琴書喜可師
試看磨磚成鏡處已慚慧業比公遲

海門廳治西城隍廟東院挺玉蘭一株高出牆屋

始百餘年物也

神觀氤氳鎖祕房此花高出在東牆不須木筆爭先後

肯與山茶論短長素蕊寫大千佛說白英飄瓦萬蓮香
一枝折得勞供養活水春瓶恰灌將

雜感二首

潛韶久不聞鄭聲將滿堂嗽發以投曲感耳心不揚緬
想師曠輩抱器奔異方環奏賸一宮零落付教坊舊聞
齊魯間白妞引高吭鯤絃一觸撥舉國忽若狂去如廣
陵散何況小雅章

魚枯緣蠹生醃酸召螞聚二物異氣味其敗皆立覩嘗
觀高明家子孫易窮窶盛者衰所伏厚藏了無補松楸
拱大墓下埋乞人父鄧通且及身銅山寧不巨

苦雨

鳴雨排簷今十日東風沙際不吹晴
疏星夜靚照流潦孤日曉看生薄明
麥隴梳梳短碧色草溪漠漠長波聲
勸農使者寧畏出馬惜障泥空復行

贈陳子言

陳子閉門江月孤獨收機杼織秋蒲
芳心暗托青青草好語如穿一一珠
味茗一甌能幾輩參詩三昧屬吾徒
試臨滄海憑闌檻不許愁氛蔽酒壚

鷓鴣

橋南向暖見菖蒲花密雲深有鷓鴣
倩袖女兒應笑問

郎君何事府中趨

獨居漫成

一臥津關倍蕭瑟晚風江上對菰蒲
半生刺促人垂老
百物填豨俗與俱祇覺飛蚊成豹脚
休將腐鼠嚇鷄雛
微燈漆室攤書坐謗議韓非憤亦孤

讀皮鹿門師宋論

周魯有大儒哲名在千世唾棄口中珠
小儒所珍閱王者竊其道常寶以飾僞
所布文網耳何者爲仁義其惑甚盜鐘
吟口固無墜秦政恃有力漢唐強稱治
宋昏而明踣亦各毀神器懦夫御高車
欲控神馬轡庶人盡駭

溫

政君子詎安位

文芸閣學士輓詞

契合由明主人將拔薤驚疏麻看盡折長夜苦難明蜀
道鵲常叫華亭鶴不鳴迎憂仍地下急鼓黯重城

路人空欲籍逐魯聖何傷終是文章伯能裁子弟狂夢
攀雲漢側光隕帝星傍爲問南遷客誰聞舜樂張
避怨逢庚子成名許顧雍年齊諸弟列哭向寢門同永
歎珠沈海還疑轡溘風詩騷多草木盡入輓歌中

贈別吳彥復北游

側手黃河果可期惟君馬首我何辭座中有語輸清酒

國內誰人解勝棋終恐難馴是龍性詎能知己似蛾眉
驪歌少待脂車發咫尺關山路已歧

懷皮鹿門師

考辭連引及經師真見邠卿伏壁時始信易存同竹琰
翻教珠含出金錐主名誰得書城日姓氏今猶在黨碑
經訓堂前舊桃李亦隨風雨作空枝

晚秋口占

晚秋酷似暮春時亂葉繁霜各自飛向暖向寒渾不覺
秋衫淚重卽春衣

有贈

溫

雙花結帶比情專。都道宮腰瘦可憐。密炬滅樓初見兔。
寶琴當樹一驚蟬。人歸別浦春無跡。會散西廊夢若烟。
不爲瓊枝能縞夜。明珠誰與繫衣邊。

題伯嚴散原精舍詩集

義寧伯子真詩霸獨造。深思數十年。字暖肝腸晴曠日。
格高心力上摩天。譚陶鼎峙公爲最。范鄭分庭世亦傳。
我取蠡杯斟海水。摩挲醉眼出鐙前。

下關旅舍

夜宿寒江上。危風候館悽。照星山脚潦。脂轂岸腰泥。市
暗鐘逾近。天荒雁亂啼。不眠誰解意。鐙色共低迷。

見陳子楞內兄魏子驥僚壻

寒庭雨細灑輕埃江氣凝城黯不開乍喜情親客中見
忽驚疇昔夢孤回却憐嬌女扶牀問更喚新人治饌來
相對酒邊成底意柿翻槐落起餘哀

次韻答伯嚴開春三日見貽

以下丙午

滑拙炙牀曉被輕破眠起視日挂鄰烘天梅意苦未足
卸雪山眉無不顰伏檻坐堂初噤暖搗香篩辣一擎春
踏殘菑草來相對厭聽宮牙雀啁人

再次前韻貽伯嚴

園牆數武水石親北臨宮校近爲鄰縮冷嬌鴉勤向暖

退

轉晴新鳥暗通顰凹山一面猶皴雪
禿柳萬株將繡春
得酒相呼勤入務後車國器果何人

曉起大雪戲贈陳伯弢

銳

簷箏雜語玻璃鳴夜聞空中催雪聲
曉披花幔弄寒白
坐訝飛光射牀隙曲門小葉珠玉盤
沙路凍合斜塘乾
高樓覆幕宜放寒美人狹坐瓊闌干
將軍濃墨塗大字
銀牌禁刻官中妓銳也卑官最驕恣
長眉曲裏猶相對
螭頭鐙舫各深閉誰能共汝泥溝醉

贛湘大水感賦十二韻寄四兄南昌

凌冰不登廟積塊墮如彈禁微應則大
鄉里相噪竄春

珍傲宋版印
鋤插郊隴宮亭忽倒灌其鄰亦爲壑巨浸通湘漢拏舟
上牆屋寧止決圩埤繼茲祆廟火內虞揭竿亂吳越貨
繭織菽室方造燬桑葉大如掌微徽布蠶館鳴鳩挂柘
椹夜鳴悲腐癩諸異皆逆感安可恣游玩未損滿堂念
必盈七月歎但恐東南災坐此共疲癯

半山寺

晴風拂城路含沙入人衣赤日麗天穹雲影墮地飛高
槐照蠟綵平視列翠微短柳罨斷絲梳掃東西扉幽跡
翳蓬穎荒乘曷言歸追誦荆公詩脫口如珠璣爭墩事
已往出寺見斜暉

飲

五言 飲青溪畫舫答伯嚴

一勺分江酒味殊獨傾冰水養盤于孟隱聞城雉初喧鼓
巧坐簾螢乍孕珠小艇賸容銜尾過衆酣空欲極聲呼
淒風咽浪絃間住曳縱誰歌汝壯夫

意 哭熊季廉

賢聖悲逆曳神物遭不祥轉薄世相尚內券無由彰嗟
子好厥脩鬱鬱摧肝腸得天豈脆促幽憂斯隕傷盧扁
不奏功積痛在餘創吾妹擇事君嬋媛立其旁忍死葆
遺育相顧涕泗滂雜花結素車宿草歸高岡夢寐不我
與吟口誰能忘僉言損民英天意何荒荒後死際衰孽

歌哭復何常

伯嚴園中夜談

萬花指天燦若縛神娥娟娟眷深綠曛日下馳入牆屋
晚色飽嚙千籠木廣堂陰陰鐙一菽夜蟲如麀度簾竹
主客雄辯各往復心光照人愈高轟詭言盤折舌欲禿
意境急射秋潮速胸中發舒各祕狀餘子竊聽走瞠目
紳禪儒冠世所賤薄俗相攻誹以腹誰言戰勝心且肥
眼見吾輩坐窮蹙西風劍首一快鳴大音希聲聲滿谷
對月

玉繩百萬丈穿貫一珠月下照今古人涼焰蓄肌骨人

言嫦娥宮下有玉兔窟吳剛倚不眠桂樹香自伐今看
石與水盤中作凹凸證以目所見所聞皆可咄幸礪心
發光不然眼生核魂今天所與屏夢夜兀兀散置宇宙
間馳走不休歇醒厭羅幃密踏步除鍵槩嚼燕片地影
聊以解吾渴

晚步塘上歸臥作

殘日沒波作秋味萬道斜光畫雲氣海山沈沈入夜冥
挂眼天空萬星沸鄰家鬪鴨傍南牆水底影追鴻雁行
三更呼名人不解蛙唱蟲吟夢一牀

屋南塘水汎濫上階石尺許雨且不止感賦一篇

南塘已通江上汝勝借船官居水驛一雨十日漫階石
敗葵垂頭在窪積高瓴下注千萬聲夜起持鐙照頽壁
衆疑天傾在旦夕寧獨一人喪魂魄斗米千錢不相易
民將爲魚田爲澤淮左農鄉亦坐困饑民欲鬪節度宅
官廡紅朽初不理吏急持爲救荒策東窗乍明雨更劇
壁畫楹書亦狼籍榻當膝處坐已穿恨不緣高同蜥蜴
晴十餘日又大兩增漲余廳事皆成澤矣

雨意空江入城市池蛙鼓吹上庭蕪龍堂鱗屋無定箔
汲甕瓦盆拋亂珠何事移家向臺榭便應買艇坐菰蒲
却憐竈媪憂天甚夜起燒鐙看米盂

伯叟以余廳事遭水漲爲詩見懷次韻答之

沈冥坐漏屋病榻一咨嗟排瓦朝驚瀑分江夜煮茶奴
將橋入戶客可艇爲車古井波瀾起蒼天且縱蛙

少半曉晴野望

小橋水長花殷殷起覓秋聲萬柳間簾隙雨留初擬露
天空雲破半爲山不隨熱吏爭趨府如此荒城勝閉關
卻道逢年勝力穡從今簡髮去詩班

題范月槎年丈仕隱圖文當咸豐朝官國子監助

教今國子監已廢矣季遠世兄出圖屬題感賦

長句

范子手持仕隱圖云此先德舊所摹詔我題詩在餘紙
展卷急視長歎吁咸同以來事戡亂湘鄂之士爭棄繻
先生有道遁衰孽抱經北走入帝都鄧禹能爲文學掾
才大不用仍爲儒黃巾下拜鄭高密經師易得人師無
先公齊年道與俱是時日直承明廬賤子少長聞所述
亦捧手澤珍口珠卅年春明倏變狀戴憑講座今無徒
少牢可廢典禮失官學閉置誰走趨瘦羊博士罕存問
槐市荒寂日影晡鄉曲老儒棄佔俸席帽不脫長農夫
嗟哉斯圖足存古醉眼閱之如飲醪

始聞秋蟲鳴

退

秋蟲唧唧繞牀鳴夢入秋山雨後行頗覺溜聲千醪盡
起看星色一城明殘篝荒寂狐鳴火啼葉高低鳥畏兵
辛苦哦詩到天曙照入蘆荻大谿橫

喜夏穗卿至時補泗州牧

高林挂日秋方熱白浪衝衫子獨來數客披襟談海嶼
廣堂接席照尊罍往知一郡才空大下顧增城閱未開
歌笑黃壚釀春足東坡酥酒日千杯

趙香圃招飲雨花臺下劉氏園

城南招手對江花城北人來日已斜山霧過牆秋屋雨
石泉噴露夜瓶茶荒原舊見千盤馬喬木今眠萬點鴉

樺燭兩行催客去隱聞高壘動悲笳

俞恪士席上戲調李梅庵

兩行珠箔排冰蠟數點華燈照酒杯醉眼蛾鬟初出座
江花偏近腐儒開

題沈鳳樓天寶宮詞

玉貌長門一世啼春花秋葉兩低迷樓霜浙瀝殘烏語
蹕月荒涼墮馬蹄獨有數行河滿淚可憐千尺井中泥
詞臣海外空題恨若舞君歌聽總悽

晨起感賦

臥聞隔垣聲莫辨絲與竹鳴鳴不成歌吾欲代以肉吾

歌繼以泣彼聲不能續晨鴉識人意飛啼在高屋喚起
滄海日一醒沈冥目鴉巢汝何所彎隄柳如束零露見
日消亂葉秋簌簌豈亦感人聲來此共歌哭洵知向明
性衆有非吾獨

秋夜述懷

暑短得涼早秋味已分半夜索簷牙聲風滿櫺葉戰露
氣滌吾骨星色嘆吾面置之星露底皎皎真質見南塘
水波冷割此一匹練蘆花散爲餌薄與鷗鷺嚙比鄰鵝
鴨闌曖曖夕陽眷物意自冷暖天賦各貴賤

風暮金陵江頭送客旅樓曠望

風幕連城闕山花墮酒杯雲光剪天出舟影截潮來望
望歷陽樹濛濛歌吹臺橫江萬里客眼向北樓開

過鼓樓

一闕排青霧千盤下綠場飛雲作華蓋逐樹蔽秋陽見
伏薪中火猶餘戰後荒停車暫相息疲馬在崇岡

夜行郊外口號

浙浙衣在草疏疏風掃楊一星如小月銜焰上秋牆夜
氣漸成露鬢絲催作霜郊行不籠燭無意附微光

次韻答子言寄懷

夢寐各千里萬語在胸臆詩來一傾瀉杳若江水溢玄

言自鈎籀誰造揚雄宅知君闋無人相與共馳軼張園
森木地秋暮蕭條極一吟復一歎心口互孿迫東野若
化龍俗眼亦不識磊落天壤間終隨鹿豕息

孟冬由金陵至滬舟中晚眺

舟窗嚙晚曛攝取澄江影秋岸青一髮紅帆白檣逞收
作尺幅畫中有千聲迴漁嫗鷓鴣噤遷士鷗鷺冷旅客
鴻雁叫詩人鸛鶴警赤日入黑地暮色寒杳溟外照一
明鏡內照一靈境照我萬古心毋使內生癭

江夜

缺月初吐山其色黃如酒澄江一醉翁冷眼淡星斗

蜜菜里餐室

銀河光含十二珠錦地奪目花氍毹東張素壁踞雄虎
西有刻葦棲輕鳧中嵌明鏡照秋水山川割入雙眸子
瓷聲琅琅奏刀七寒香入腸酒汁美琴歌歐語如怨絲
艷花掩照黃鬢眉明朝短衣約毬獵躍馬一試霜風裂
快齋桃源道中觀黃河舊流快齋一變正勝白齋正勝
孟冬歷茲境日薄天地昏萬家荒饑餘廬舍懸磬存昔
爲黃河垠懸流在其門決灌旦夕虞其勢若窪尊今行
大堤下沙草如朔原地薄不可耕婦孺走空村驅馳立
危坡戍旗高飛翻下視千低垣尚見積潦痕蜚鴻彌望

眼風日相吐吞朝覩變顏色夜宿奪夢魂倒枕一餓魄
與衆同惛惛

洋河曉發

衰柳大橋北曹騰踞一鞍曉圍吹角迥高屋枕河乾杲
日烘衣鬢清霜滌肺肝淮流災後刷目是荒寒

自龍集發雙溝道中作

平野無片山三日行原澤午輪入龍集揩眼見靈壁蛇
行秋風影畫此淺淺碧梨林冬槎枒束天如帶跡心欲
止其涯霧日倏垂夕倦馬怯流汗蹭蹬古柳驛雙溝互
其北輻輳歸此陌土境歲亦荒四縣民久瘠麥粥不飽

腹敗葉欲吞客風窗一夕眠鷄號促行役

雙溝曉發

晨光微微入客堂行子起視月挂窗霧裏碾霜聲響轂
鼻間觀白氣憑江鴉羽出林冷肅肅籟蹄踏水寒淙淙
危行十里喜見日精力中年差可降

登項羽繫馬臺

項羽都彭城自失帝王基勇勝而無學不足與有爲一
挫喪其身山澤橫涕洟戰地不戰力屈殺江東兒十月
朔風勁我登繫馬臺黃雲宛城郭下見百尺埃誰持青
霜劍摧石如撥灰芒碭大澤間雄氣盡一時此邦四戰

退

地胡馬頻來窺戎兵數百年文物皆南移
河流水爲患河去地亦疲饑則生盜賊惡水窮山噉不聞雍門琴寂寞深古悲

運河舟中作

榆柳夾隄道中瀉一河隘十里必九曲牽行力難懈斜穿白日影漂流若襟帶豈無風駛帆逆則六鷁退冥思稟多力愈覺船人憊向來懼淹滯於意誠不快霜氣一夕濃霧散西風大眠中破浪走舷底忽澎湃起擁隱囊坐縱眼軒窗外冬林弄曉色勝見倪迂畫鱗屋如龍去一瞥過數寨昨者脂車發滄然入塵堪今知舟行樂厥

狀若難繪勞逸我所擇獨笑還獨喟

立春

十年風霧空江上春至愁人了不知祇覺荒唐無可語
獨藏沈痛在吾詩幃搖燭色盤堆淚杯照霜痕酒暖髭
試向東方問占驗滑稽才果勝鴟夷

除日祭詩呈伯嚴

一歲周復始二百有六旬吾生卅二年中半爲夜分歲
向此夕盡盡復來日迤鐫刻出肺肝得味皆苦辛都我
平生詩醉以酒醴醇不飲亦入醉退筆甕如墳東野寒
瘦才願爲昌黎臣譬若溝澮水能養一尺春持比江海

勢噓作百丈雲斗室聲微微安用天下聞
溷之百僚間一卷與一身衣冠喘汗地
矯首非其羣

似

心

心

心

心

心

忍古樓詩卷二

新建夏敬觀

雪夜過伯嚴次韻奉答

以下丁未

孔稱猶龍亦奇絕
柱下老子善用拙
吾曹縮手聊取溫
楫拙炙人終燼滅
偏氣出懷言在脣
忍古有淚吾寧新
不如階前片拳石
戴雪一寸春風人

用前韻贈魏季詞

蘇

聒耳竽瑟誠鑠絕
邵陽窮儒坐聾拙
埋頭著書療凍餒
口珠生光夜不滅
漢書爲肴杯在脣
吾忘市上歌哭新
會當與君學莊老
株捕不到櫟社人

試與濯龍淵上堦帶牛佩犢果何人

題勞勞亭

千山挂柳眼萬里懸草心玄鳥一生客墜羽當馬吟勞
勞道旁人物來相煎侵離日有長短別恨無古今

落日

落日何所似一盤胭脂水影轉東廊腰魄齧西山齒江
光瞬向晦波聲大聾耳平生滄洲心今入畫圖裏

衰桃篇

今日愜意風爛漫開滿谿明朝拂意雨墮地成黃泥花
於風雨有恩怨落花暗暗墮詩硯呖盒爲花寫愁面

歲花前一悲歎憶昔種桃齊蛾眉妖紅照水不自持移
根換葉偶失所豈獨風雨漂搖之芭蕉不堅蒲柳弱萬
物皆然匪汝薄丹青欲畫當日姿瘦腰人來暗驚錯安
得嫦娥與幻藥塗染枯枝使如昨

里李行

里中娟娟一株李今春顏色那勝故月中流豔無一時
千花萬花委朝露樓高隔花鎖烟霧美人在簾花在樹
春風乳物若嬰孺麗質媒之自生蠹邯鄲才人廝養婦
命薄不及宿瘤姬誰能滅火十八隔使逐飛瓊虛空步
舊曲長眉復幾人粉黛嗤黠難一顧殘白淒淒滿江路

夢中見汝不如素

贈寄禪上人

曩尋爨滌到行廚今見琴聰與蜜殊
靜質青天飛素鶴綺詩白水冒紅芙
萬端如手多翻覆一指回頭果有無
儻詔漫郎忘結習不辭荒策入猗玗

題畫

斷取江南一片山頗留風日與人看
草堂六月懸空壁竹木陰森氣作寒

寄和四兄南昌

芊茸鏡樹月懸弓幃館聽香萬里通
頗覺大珠除玷翳

頓知橐籥有奇功
幽花抱郭稠稠雪
南雁翻江夜夜風
何日故園喬木下
閑廬取道與君同

時女初秋露坐有感

露脚斜飛漢燐光
亂點波晚蟲聲振岳秋
樹口懸河萬物永動性
吾生長夢魔空中傳
嚶語人籟得哀多不
寐

刺土蟋蟀

蟋蟀悲夜長
到曉方不啼
啼風葉簌簌
啼露草淒淒
牆坳一尺土
月下千里閨
悄爾停砧杵
振然聞鼓聲

秋感二章投伯嚴

蟲聲忽到枕
病翼早驚寒
一尺眼前月
萬重心上難
已

知吾道屈直擬不觀完且挹盈盈露泠然瀉肺肝
叢芳別春客落木效殘人空餘向牆壁一字一酸呻惘
惘尋東魯蕭蕭對北辰從君葆天醜何用廟堂珍

輓陳於勤

陳生任俠虎豹姿常持一箠天下馳學書學劍萬人敵
飛箝智術胸中奇南人駛船如駛馬空灘夜雨心不疑
懷提鉛槧歷要害瀛灑海石窮山觜飛鴻在天杯在手
胡女舞飲春傲傲偶然治島若御國片語折獄民歌詩
斗衡剖折蒙吏語剝剝儒墨無焚瀆強鄰假道正伐虢
海水晝立旋風吹親探丸泥入虎穴變服得矚秦人雌

華元登牀功不錄排娼衆態良足嗤穆生在楚不設醴
王戊意怠機已危去之琅琊作扞衛邑鬱蟲處夫何爲
田橫已死國士盡賓客慕義咸涕洟祇今櫓槍出頑罔
后意欲寵蚩尤旗彌天戢棺有深痛絕好身手空牲犧
拔可築樓於城北旁植竹木大可二畝自居其家
於通州而以樓假予作此謝之

城中二畝宅大可納宇宙九月菊氣盛籬援苦刻繡西
風除黃葉一夕林木瘦稍覺霧爲壁杲日出而耨平野
度秋氣無隙不穿透開屏負鍾峻捲幔見江岫豈求數
仞堂但令心不陋謂宜詩人居李子於吾厚

霜曉

寒曦浮波濤白霧翳林木濃霜若棉繭被服讀書屋

車過丹陽

以下戊申

古驛春前樹荒城雪後薺山嵌入路鴛天重壓煙低夾
脅兩龍翼疲心萬馬蹄遙知孟珠宅花下步娛娛

至入功德水

青黃交枝柯牆屋已深春我方倨堂讀熱然似非人偶
及泉水詩駕言出城闐岡花散千魂修竹換百顰蟠松
山谷間披之有逆鱗跌地草沒踝掬水波在脣龍意識
茫然誰謂擾可親致此力匪細佛咒何其仁一勺入肺

腸吾腹實不貧矧茲涓涓流能滌萬古塵

車中口占

麝煤燒墨潑春疇奮挾蒼龍汗漫游無錫日沈山幕合
姑蘇煙暝塔燈收眼中雲物番番變鏡裏春顏漸漸秋
便擬索居江海角四天圍座對冥搜

市樓

高樓臨市喧中寂旅客聞歌哭失聲春思漸隨花發盡
心光惟似月孤明積愁銷骨讖無益飛夢還家計不成
却爲酒邊多觸忤未妨座上拂衣行

傷春

繁花辭樹髮辭首老眼傷春淚一睚豈爲捐狂收壯語
翻因多恨直迴腸帝青四幕垂天密太白一星愁夜長
莫漫傷神幽獨地海樓鴉鷺慰荒涼

覓子言不得作詩遲之

我居冶城時海氣與江隔雖云潮汐通夢構但魂魄今
方來海陬與子相咫尺造廬日三四一面不可獲不疑
與我疏念子何所適峻哉泄柳門密邇揚雲宅豈曰山
樊深寶臨廣長陌平生寡交游忤俗世相責得子謂不
孤磨揩夜光璧失子慰寂寥誰與共朝夕萬柳狂作絮
風花怒驅客嚶嚶樹間鳥落落原上石期子久不至予

懷洵無懌

題左文襄公遺像

幼小拜堂下得仰相公儀
長松生鬚髯橫日交柯枝稍
長瞻廟貌魯殿光巍巍正氣攝孺子皎皎升春曦高林
施蔦蘿中歲對值宜往來謝傅庭小草亦華滋今茲出
遺像更覩骨相奇始知山澤間已露凌雲姿惟天降民
英用解天下危豈惟衽席安功實在四夷臨洮不敢渡
白日耀旂旗頗聞慕平原曾女繡買絲稽首崩厥角俯
伏如牲犧誰爲顧虎頭圖寫將軍髭將撰麟閣頌刻畫
臣能爲

愚園暝坐

雨後斜曛粉壁黃
中庭花影入西廊
尊罍醉客已臥地
竽瑟淫人自廢堂
會見高林禽四集
旋看歸路蠟千行
我來一散沈迷氣
祇要薰風拂座旁

讀范伯子詩集竟題其後

伯子生平龍鶴氣
蜿蜒夭矯入篇中
能教天下翕然變
豈謂其文窮始工
齊楚大邦真不愧
同光諸士竟誰雄
詩葩騷艷多疑問
猶及生前一折衷

夕望

鶴翼沖天蟬響沈
望中蒼莽海雲深
東林影護西林脚

刻畫樓臺半壁陰

初秋

雲海陂陀初向夜，
籟風入目淚翻江。
梧桐漸下三秋葉，
槐穀還虛萬里窗。
砌蟀鬪吟腸與斷，
弓蛇飛影夢難降。
酒攻終不愁城破，
賸取蠻花照玉缸。

安亭江上震川書院作

萬綠接鳴蜩，秋陽徧平野。
小艇四五人，忽艤學堂下。
疎簾伏池檻，猶可誦二雅。
蔽虧百年木，當時僅拱把。
堂堂震川生，先代一儒者。
後起邁前達，良金出良冶。
陶公不運甓，誰與構大廈。
此中宜有才，奈何空其社。

雨過二首

雷蘇一雨過雲散四壁立疎溜挂簷端斜陽拔關入
翔鴉入天空微若辭秋燕稍焉落林端風擁葉片片

味蕤園茗席

茗席清秋索畫圖高欄小坐對平蕪穿街馬滑蹄流鐵
隔樹星明葉綴珠蓬島仙人殊窈窕蓮塘花事異榮枯
世間南望還成北未必行雲肯與俱

既秋酷暑一夕天文臺占驗颶風南來已而果然
作詩紀之

赤雲赫赫燒上方秋日刺目如生芒手搖羽扇臂中痛

櫛穢觸熱身負創京房鑿笛添一孔宮徵忽變商聲動
鼓鞀爲颺弄潮急飛廉助虐誰作俑洛陽老人耳目瘁
洞房垂幕白晝寒自云置鼎堂上沸猶可吹齋日夕安

吳淞

晚雲重疊作屏風爲海無山却補空更待夕陽渲染過
倒騎鷗背畫圖中

郊原到海平如砥鷗鷺招人掌上游我有綺琴彈一曲
黃雲白浪指間收

曹家渡

風林十里掛鳴瓢敗葉縱橫墮綺寮舟影遠隨臨水路

馬聲高過壓河橋野渟如鏡浮紅日叢竹當門咽晚潮
物色可歌秋已老便令衰草臥瓶腰

偕子言書庵靜安寺步歸

靜安古寺經行地市盡西頭列酒坊鐵樹千柯排雁柱
粉樓百牖露蜂房日光激蕩穿雲下雨沫輕微噴髮涼
自詡追隨腰腳健不勞車力轉羊腸

海邊

征車卅里何所見瞬息曹騰到海邊蒲外杆燈紅著岸
潮中帆席望漫天騰騰炊累鼻端白惴惴波濤足底淵
賓錢紛紜不相貸歸來剪拂袖中篇

哭善化皮鹿門師三十韻

束髮方讀書塾師四五輩
咿唔六經字敷說益茫昧
自來師伏堂朝夕承妙誨
盲馬得途徑稍稍豁蒙蔽
始知孔子聖傳者固未墜
尚書疏今文口授殊強識
燒燭夜至跋諸生共讐對
繼承歐張學辨別劉王僞
河流石室下如來聽講議
阿咸門生長少孤三禮治

謂子姪承慶

夫子

琴瑟旁前後列禮器問一輒得十
漫筆書鄭志賀贊元宋

名富年力熊

羅盧

亦精銳秋深草玄宅同車問奇字

義寧

陳公寶箴

振南學弓旌浮湘至尊之祭酒荀遂稱奪席

戴論罪不見案波及舉國涕嗟哉
陳仲舉先死埃霧際

邠卿撰章句複壁藏數歲脫身劍頭炊瀝紙匣中淚壬
寅春三月我方入楚贅謁師城南偶立雪程門外七年
病江海思之勞寤寐豈知兩楹奠歎歌泰山壤僚幽告
厥終一訣成永逝小雅久不歌抱道誠自瘁弟子亦垂
老對鏡失葆翠不死尊所聞聊以俟後世

同陳伯嚴梁節庵曾敬貽程聽彝登惠山飲第二

泉得二十韻

市樓若蜂聚地當尾閭溼秋瓶煎濁茗噬飲苦不潔扁
舟惠山下喜與塵境絕戴雨登層軒不虞屐齒缺雲光
滌松手嵐氣梳草髮湖河遠映帶廟塔高顏頡置身上

青冥洗眼窺瓊鑄程侯淪茗碗春芽沃霜雪肺肝咽白
露久之彌芳冽弟兄谷簾水頗疑共一穴玉枝鎖蒼翠
石罅噴珠屑當時東坡翁滿貯大瓢月陳梁妙言論清
波廣長舌七椀已入腹五鹿爲角折曾侯攜妙妓雙歌
青雲裂欲寫樵青圖惟愁畫工拙垂老當惜歡翻手事
難說蒲團曲几際坐聽瓶笙徹在山與出山臭味溜濕
別天留一勺水與熟西山蕨

贈梁節庵

掀髯岸幘此東坡風義規人有不磨一疏舉朝驚折檻
劇談當座等懸河江湖數面成瓜葛鸞鶴高踪笑網羅

北望修門秋色裏，閉關誰識病維摩。

樊樊山陳子礪黃小魯楊梓勤陳善餘陳仲純梁節庵陳伯嚴同集半山荆公故居子礪爲圖善

餘作記皆卽席賦詩

荆公遺宅舊誅茅，佳俠相攜出近郊。
野色背城青滿座，秋聲當樹午懸匏。
主賓勝槩詩收拾，南北羣峯酒并包。
照影斜陽老葵麥，便緣松柏上雲梢。

寄答四兄兼呈潛師

鬢絲繅雪三三丈，照影江清耐晚寒。
午枕還家慳一夢，醒來歡喜拆書看。

溫

卻金舊德式門閭要遣諸郎讀父書
三五塾師同伴食
誤傷鱗角我憐渠

雲堂窄堵阿蘭若天路盤旋已上通
紅柿啄殘甘可食
未應真使仰山空

陳芟蕭滅對空堂
往往傾頭看夕陽
厭俗縱將泥自芘
絡頭未解總堪傷

焦山放歌

楊瀾吹漂一千里六龍負波日加箠
中有石柱根自深
誰謂江清能見底
九秋風日弄浮媚
我攜二客一舟艤
曉鐘出林葉有聲清
梵穿堂石生耳
博山當窗香芋茸

北固諸峯羅案几砦西羽化不知紀拄錫招之鶴可起
東峯雀糞白佛頭攀籐上巢握鷹子層巔四望紺宇空
指畫江山若伸紙烹茶對江朝至夕枕閣聽潮急蒿矢
散歸寺門燈火盡市樓頻向西欄倚七年五至四不渡
每望仙鬟暮煙裏美人娟娟臥秋水青蒼者天覆以被
吾家小姑無對值靚飾重簾差可擬

金山放歌

夕催荒乘入林薄萬柳蕭條遮日脚遠觀廟塔高冥冥
川路盤旋及巖壑昔年寺界與江分蛟龍夜昨走錯愕
沙深雪漫直到城今遺危欄向東郭老鶻眼明花灼灼

衆鳥不噴阿練若古殿雲齊碧瓦流霜鐘摩空半天落
東坡衣冠無處著笑脫玉帶謝羈縛妙高臺空山四幕
江上風來動簾箔壞色染裙良不惡便當讀經借山閣
黃昏與僧求一勺挹水得月聊自酌

示王搏沙黃真存二子

水清沙白雁飛迴月入秋堂一鑑開渠透漸彌千里潤
林深方有百年材折衡剖斗吾何可看碧成朱世所哀
要見門牆桃李色與君辛苦雪中栽

寄懷陳伯嚴

言思江介陳公子詩卷封題兩戊年肅肅秋冬頻易世

波波魂夢獨憂天不官未負攀髯責告墓終傷殉國先
他日史臣求實錄篋中遺疏重杯棬

秋士吟

人間秋士吟苦作蟲唧唧肝腸夜機杼萬緒皆入織中
藏古人淚一語一淚滴古人已悲今我今更悲昔

古原

驅車登古原日落雀不喧望極眼無物東北蒼天垠頗
疑天如垣卽在前數村倒挂青琅玕平滑手可捫行行
達所望仰視高昏昏便盡地一周不見天有門山四幕

德宗皇帝哀詞

溫

外患艱天步殷憂啟聖衷躬行五帝憲德媿八朝隆夜
壑舟誰負春雷殿已空由來仁孝性四海悅重瞳

破荒成創局周德舊邦新始建明臺議毋忘曲突薪戊
年民北面庚歲帝西巡頰舌難爲辯終焉折黨人

黃竹歌聲動橋山事已嚴日車傾驥足天路挽龍髯宮
燭縱橫淚風烏晝夜兼八音今遏密功德在閭閻

獨坐

拓窗心見海面壁眼生山羅列五洲大沈思一坐間萬
人同醉會獨客失紅顏自笑非春事愁來無境刪

書堂

書堂臨浪水冰氣散鬚眉地曠天開幕江晴日掛楣此
中魚可數吾鬢鶴相隨始信蓬蒿宅終爲寂寞資

閉戶

閉戶無賓至空堂屬晚曛江隈真遠屏愁臥沈休文

儒生

所學寧不驗入器終少羸人前莫浪語萬口薄儒生

爲政

爲政蒲蘆語不虛二年秀孝普加除衰時文字枝梧甚
燕相還能說郢書

篋中

篋中斷爛堆朝報野獲存疑不盡刪四十七春成結束
江河聲裏夕陽殷

寒夜

寒夜看書眼欲昏頻將茗粥滿窪尊饑腸慣受王濛厄
尚解評量一二水痕

拔可辭知上元縣復改權碭山引疾力求不之官

歲暮來滬歷談治桃源之狀感賦十五韻奉贈
四十須有聞過是欲少味汝我行去壯相較強一歲顧
我一錢錐汝則莫邪器才謀一二策衆口吟良吏奈何
解印綬引去太早計汝從枯淡去語我頗相慰桃源百

里邑淚眼見彫瘵監市而履豨立錐窮無地一檄改上
元再檄近豐沛上狀辭之官謂臣病在肺言下良絕倒
前境可怖畏十年燈火下操筆不操耒安知學古胸迂
緩言可廢每況輒愈下十事九不快請收鷓鴣心與天
作蟲臂

自題詩卷

好古肝腸世所憎空鑪無火伴書燈塵窗市語聲初盡
傾几梅花冷可凭海水入詩生夜雪茶漚注硯作堅冰
苦吟縱與年俱進那及緣愁白髮增

除日雪晴寄伯嚴

退

一白真銷大地塵
曉晴便見雪精神
江湖已露開年意
草莽相看隔世人
萬事破除端不易
小詩更始務求新
公才未分謳歌老
南史書元正待春

贈高嘯桐

閩士稱三高士元
人中鳳寢食念君國
孝友諧伯仲懷
中春風溫爲解天下
凍拔薤將擊強未語
驚朝衆妖鵬
能咒夜寒凝九霄
霧堂堂白馬生廊廟
置不用雷霆響
殿角稍破螻蟻夢
已聞疎籬兜宜與
賢者共斯人冠柱
後庶撤藩籬擁繩床
坐呻吟不忘痛定痛

美為蕭蕭然學之

類食節物製數難楚已隨

中春風盛為輸天下不東

閣士爾二高士示

好古韻高韻

念下未衣臨

草莽昧昏

一白真餘

退

忍古樓詩卷三

新建夏敬觀

己酉元日感賦

以下己酉

照海紅桑日倍鮮
東風溫暖百花前
侵晨鵲語知人喜
隔夜牆腰破雪堅
江表一官吾老矣
燕南十載事騷然
舊游賸以詩爲史
但紀堯年入舜年

莫重十四日立春喜晴和伯嚴元日園居韵

尋春牧外舊相呼
夢熟新亭雪半糊
欲寫橫江開短紙
喜看旭日掛浮圖
有年屬慰歌衢願
不雨真成保麥符
料繞園梅三歎息
出門走看野人醜

新柳

寒蕪爭暖出前川上覆鵝黃色可憐吳鳥隔枝嬌應對
江波濯錦與澄鮮樓堪極目天無極酒不填胸恨自填
莫道南家飛絮晚春風着汝已當先

舊集廿四日愚園作

臨表平人尋幸

與可久泉下一二麗名籍籍自云瑣骨僂春去不留迹十
年江上人故手褰裳積對花去琴軫上馬遺香澤夜別
酒媿家照鏡春髮白一再送煙花懽事可追惜

感春二首

昨夜氣特暖晨起灑窗雨萬橐稍活潑瘦地花欲吐化

工染顏色注意化朽腐髮白不再綠春至我無補逢時
必歎衰人事同萬古

萬古夫如何古亦歲一春不因昨春故那見今春新東
皇方用命意與萬物親色絲繡后土要須補袞臣詡詡
斯小德熙熙方至仁願銷傷春心化爲堯舜民
鄧尉山四古柏行

蟻舟入山方二月野梅倚天亂飄白春寒社樹不吐青
衆香惟擁數株柏一柏晝吟風露聲一柏夜噴山谷平
一柏束虬天際直一柏蒼龍地上行欹眠偃立皆有致
氣骨閱世彌老成旁侍諸孫色可喜修能未足內充美

珍傲宋版印
封胡羯末在一家天壤王郎慚不似先皇品題恩寵渥
春膏被野翠衣醜崇臺無梁未與致不强夷齊食周粟
五松對此發愧顏四皓方之遜高躅我來日午坐其下
已後齋鐘啜僧粥心知不朽乃正氣力戒樵斤禁鋤斷

春雨

山四古詩

簷風噴夜寂江雨亂春眠七日難開霽橫流已到前未
昏燈自炙不出意彌堅散帙勤料理賓來惱坐氈
雨霽出遊
出門看看春潦牆下水依樓海送潮西上天圍地盡頭鷗
波長日夢花霧客中愁莫辦裝棉早殘寒政戀裘

溫

對酒

湘纍惱衆醉既飲莫讀騷淵明醉則歌不飲莫和陶二
子發心聲跡異德並高我脫官色衫對此淺淺醪有時
取一滴勝人酌一瓢隔座觀塵搏入市雜駭嘲濁尊倒
俗腸萬石奚足豪

苦雨

海邊鳥語江上人今年喜得百二春每晴一日雨六旬
斷送一半韶光新冒雨出門學堂去歸來做袍多以薪
問天何事長愁嘆忍淚不止蟣蝨臣

書夢

春江如雷鳴窗下聽雨歇移燈向牀幃入夢化爲月
夢父坐堂食夢婦抱兒啼還家二千里歸榻五更鷄

代書寄書庵弟時海運北上

弱弟未成名每別心輒憐今年初北客執手滄海船十
旬得報書苦語滿二箋三衾怕露頭夢寐浪滔天維舟
履帝畿眩亂春風顛晝夜魂魄定纔免伏枕眠天家催
玉食小吏急周旋吳米空千廩輾轉入幽燕朝夕播糶
糠蕝事動半年低頭百僚底鎖細慎仔肩此制始前代
法做吏不便南漕悉改折吳越未肯蠲縣官計米值又
苦大府錢巨舶輕波濤奔走用微員不撓倉吏怒乃博

司農賢從來性緩急所佩別韋弦寄言付北使去福宜
勉旃

龍華寺觀桃花

看花須趁未開殘更要成林色始丹清坐一回銷宿醉
沈吟幾度近雕欄攢雲護幕層層見夾路成蹊故故寬
便待寺門人散盡直教燈火照歸鞍

落紅

落紅次第深庭院勾引春風白日長斜著闌干如中酒
不成回施少年狂

望海

西望不見若木影東望不見扶桑柯一碧到天無界限
晚霞層疊作紅波

暑夜玩月

流金礫石諸天上入夜猶燒月似盤此際桂華應炙手
何曾玉宇獨高寒

待雨不至

海天龍風飛冥冥幽雲壓樹靜無聲鬪雷空際久不勝
忽放夕陽穿底明

和貞長

城中苦熱郭外涼明月大吐星無光一風頓散沈迷氣

數客相鑿文字場舊夢低徊殊了了齊年鬢髮各蒼蒼
酒酣莫道湖陰事誰似當時躍馬狂

感懷

度水飄螢星色涼竹樓臨市夜無光賦愁慣入黃昏後
病酒還憎劇飲場蜚蛭一生耽露白虹霓千里失空蒼
臥聽嚴柝重城下華髮能銷杜牧狂

七夕

盡夜一城柝移天兩恨星相期忍終古未肯墮沈冥孤
榻生秋早疏螢照夢醒誰言澹河漢雲影入中庭

還諸真長詩卷

學詩如學佛成就有大小出入一切魔歷久得正道諸
生少日作往往露鱗爪由來有宿慧所獲異獠獠風吹
黃白花韶景自然好綺語務去盡瘦乃過郊島用知上
乘禪不必鏤肝腦自檢舊篋詩益歎漫郎老

月華落日

落日浴虞淵霞沈海氣鮮晚雲如破岸鴻雁不能前蒼

黃水和拔可留園

雨短欲成暮日斜初覺長蓮漪明鬢髮石榴跳珠璫已
遺沈冥境誰遲曲折廊好懷鴉散後燈火夜相忘

滄浪亭桂花

退

五十二株花破胎莊嚴一一似如來繁香布地作麼念
擁鼻微吟總不才

秋花妍骨不妍姿香裏殘蜂聖得知數徧林身流水子
繞山廊屋對參差

發會二三宿崖

負江山峩峩偃郭石嶙嶙怒潮古未息薄視勢見窘夜
號已成竅晝哭不生筍西風瘦其骨剝去百草盡維時
方九月登覽動悲憫可憐蛟龍窟對面結樓蜃高檐舒
兩翼塗抹下欄楯生公石非頑所苦匠不敏

示真長

秋雨淚一線能使百草殤微霜不著頭能令髮改蒼思
君昨日言舊割忽發創平生酸辛事徧歷九迴腸譬若
四百病取之一一嘗齎粉短夢間燈簾夜荒荒柿葉翻
故枝索索鳴空廊知君沈苦吟給侍不在旁草盡誰却

張文襄公輓詞

退食朝題柱中書日對廊國方依五殺士莫讀公羊木
稼憂斯疾龜著筮不祥南樓杳風度江漢水湯湯

史闕吾猶及傷哉論蓋棺稍存郭郭在信解世紛難火
事焚巢急雷聲破柱乾易名應悔後老驥力空殫

五十一 哭張俊生於四川旅滬殯舍

退

朔風卷淞波九月色已寒病牀再視君執手中悲酸別
來繫魂夢書至先沈瀾急走視委蛻入門千百棺旅魄
朝啾啾峽哀夜漫漫撫几淚嘶盡墮地商葉乾緬昔渡
海人數子共憂患投身葬腥臊湘纍首不還君方追金
玉後死力已殫鄭渠倘無功一簣不忘山蒼煙起榛棘
下顧集孔鸞羽毛自剝落微命亦惜殘平生哭朋友獨
念斯人難爲詩寫餘憶仰天發長歎

澄江

澄江晚逾好清可見纖毫霜露湛然下魚龍夜不囂微
颺染波細明月背雲高兀坐成禪悅真堪物譽逃

樓居二絕

秋鐙入江寒粲粲夜色好幽人再登樓冷語出懷抱
冥心坐高樓入夜愈孤寂開窗納市聲狀若傾牆壁

陳伯弢約游天平山三十韻

在囂氣久鬱登山意彌超目中獲奇瑰胸次先并包凌
晨出霜野杲日排煙霄鶴市絕修港漁風揚輕船遠觀
岫斌媚臨睨石嶠嶢汀曲再移棧山行乃卽轎前導拾
級健後舁躡履妖載踰石闕險倏仰蒼屏高虛堂秋旣
深墓木青未彫式微范氏子展禮歲東臯丹楓臥寢門
白雲帶巖腰今感發商吹古耳通潛韶仲淹讀書處午

退

明小窗察棠笏露纖纖蔓纓垂交交苔壁出骨瘦鉢泉
破乳跳西嵌上天梯擬跡飛鳥巢止盱短衣襟使臂如
猿獠突出臨絕頂曠覽悉纖毫聖處言不傳小儒舌已
橋病蟻忘力疲躍蟬作勢趨夙蒙及茲豁內鑑無由逃
有生憂患中一世苛痒搔荒乘敢辭遠秋物苦不牢步
下盤磴紆歸道皇路遙晚色罔弗醺埃風一何饕舟師
戀城郭善駛鼻吸潮迴環入雲屋捩枕近酒槽誰謀二
三策姑列左右肴垂老折腰具人言爲斗筭投詩裒碧
子相與治衡茅

秋盡

黃葉一朝盡繁霜日見侵城皋人落寞草樹氣銷沈步
步入深黑冥冥鉞慧心多緣蟲淚澀衰老似人瘖

哭書庵弟

以下庚戌

兄弟比手足喪一如天刑惜命避湯火仆地驚雷霆痛
割到肝腸魂魄還蘇醒孰似長不覺及此兩目瞑
兩草同根生其半已枯折鷓鴣步草根先春眼啼血人
間共乳兒長大相提挈亦如同根草根本自牢結異爨
母猶悲矧覩死離別忍哀慰慈母將慰淚不輟
平生畏風波入夢及昏墊宮亭富魚鼈一恣餓劍麻
衣扶一棺巨舟沈塊苦弟往兄則留雖生天所厭

游西湖理安寺經九溪十八澗還至湖上

溼翠生光曉放曠
屐行幽谷草聲喧
野棠娛客春殘路
山鳥呼人雨後村
乍鬪九溪追白足
送歸五澗已黃昏

寺僧送至第五澗方別去

風窗不悟深明旨
那許楠寮老鈍根

五日出游和真長兼柬苦鐵

肝脾搜索不能春
白髮膠梳億萬塵
與子荒歌悲節物
因波滌記惜殘人
喧闐晚陌俄相散
縹緲迴廊最損神
酒畔堅牢惟苦鐵
笑辭章服裹猿身

薄暮崑山道中作

日色初昏野水明
長霓慳慳雨壓堤
平蒲帆白似翔鷗影

脂韞枯如折雁聲向夜一風生缺月先秋流火似殘兵
葑田彌望鋪棋局苦喚蒼龍不爲耕

松徑步月

落日杳然去亭亭月入林鳴蛩耽露味巢鶴歛秋心萬
籟息俱動千江魄共沈還來呼勝友風起蕩衣襟

答成澹庵

異書能助蔡邕才得子胸先撥霧開政喜栽花新雨後
獨思剝芡夜窗來嬾隅自躍清池水穴鼻還明陋室苔
豈是穆生謀酒醴當緣去就費低徊

朱古微劉伯崇成澹庵同集滄浪亭

退

蒼榛吐月更微濛
鱗起芙蓉過水風
看捲流螢千蓋底
暫依殘檻一亭中
夢迴冰抱滄江晚
事往珠塵蘚路空
珍襲秋詞重置字
勤將清酒換詩筒

海濱雜詩

野居異城中不受邱井逼
事事開草昧久可忘帝力
憂來真遠屏孤坐趁曙色
日烹霜露氣出浴茗椀側
江光芟滋蔓及此流自直
悠然寫我心放浪古今極

日月若生翼晝夜自流轉
春風過華顛老色知不免
百年顛倒中造化示妙演
出門有佳境奈何足重繭
簿書且沈迷勝日失排遣
坐令肝膈際痼疾待盧扁
昨來露

橋立始覺江海展朗誦秋水篇稍異流俗淺

書堂誰破寂昆蟲相號鳴夢起看寒色始省不在城萬
籟縱未息孤抱爲之清推窗滅餘缸微月霜氣橫疎星
溼簷端水波上下明此中得天趣誰與秋士爭

堂中數畝園頗可種竹柏四周環以水不假權籬隔閒
閒戶牖下悠悠海雲白終焉十年計抱甕求有益

日暮眇默行曲曲葑田間周歷不數里腰脚病老孱農
家當歲盡荆棘勤芟刪到眼少障礙與世絕憂患蓬萊
一片雲幻爲萬仞山心知蜃所結何用勞躋攀舉首天
路遙哀鴻空往還

溫

馬遷所著書藏之名山耳發憤爲文章求售吾所恥董
狐有生氣肯作官家史變例不斷代日歷可私紀寒窗
照旭日滌硯大江水波濤瀉無餘底柱或孤峙
然犀燭重溟下爲金銀界受水八千里在遠無弗屆紅
桑已三見世變奚足怪相邀任公子一餌五十牯禹功
洪水後堯舜殊耿介可憐羲和鞭去古日西邁

命章寄拙兄

辛亥元旦爲兄五十壽

離家方十年霜雪侵鬢鬚忽念阿兄老瞬年五十餘呱
呱父母側豈謂長異居參商同在天乃各居一隅厚土
振河海其下皆黃墟死所未可知生存旣離疏憶初就

一官浮家入三吳兄曰行役苦季曰願與俱念兄最憐
我感我亦憐渠豈知天地間所履無坦途季也先汝我
葬身在江湖落日照冬青上有同巢鳥生死已各半壽
命造物殊山堂好學易有約或不渝黃精亦充腹會當
還我初舉足雖縛繭歸夢如輕鳧

丹陽

以下辛亥

大江判南北各自爲風氣水豈能限之民物各標異丹
陽一片土猶是江南地其俗去蘇州不可道里計北人
多僑置十室久寡遂誰復著縣戶徒建土斷議我借船
官居長竿赤柳繫野堦橋覽煙景入夜色濛翳恍如夢中

退

游殘蟾照淮泗野糴亂穿竈饑臬喜爲魅騷騷旣如此
不變良未易

海濱二絕句

夜色短如許
眇人月未昏
傍牀雖咫尺
江海却當門
近海日易來
寅半窗絲白
脂盤未全乾
已照萬帆席

次庚戌重午韻寄真長

詩思真如去後春
難還驥足駐游塵
去年汝我迴腸地
五日淒涼白髮人
風裏蜀葵寧解語
酒邊顏筆不傳神
要知子美投江海
已是朝紳不挂身

閏六月二十七日朱古微鄒詠春曹智涵同集留

園

暴雨一決作孤注檐漏未盡天又晴炎威得閏更有力
坐令秋氣久不生借宅深坊面牆壁火攻日逼如圍城
偶從諸公得勝日伏檻共數游儵清漢槎吳羹豈不美
騷騷治具愧未精座間縱論天下事酒後自見真性情
桓侯諱疾扁鵲去我輩奚用談功名薛宣吏雲且不可
杜微輿致安肯行荷筍象鼻勸滿引脫首已免羈與纓
可憐逐熱襪穢子炙髀鎔脂汗交并何如水亭陳果茗
廢琴不鼓無虧成鳴蟬嘶風在高柳此際聞之心不怍

題沈友卿并梧懷舊圖

溫

吾輩相看入世紛案頭日歷自辛勤卽今草莽徵羣策
誰向康乾紀舊聞夜久井闌生白露風高庭葉下微雲
孟城老去誠堪隱婉婉開圖酒色醺

鄭叔問以歸鶴圖換得朱漚尹園鶴爲賦一律

薛公貌鶴遺其一仙羽來歸大鶴天不與衆禽同飲啄
獨偕二子共林泉庭梧夜迴梳殘月徑竹秋深拂暮煙
我亦座中忘主客慣聞清唳在風前

江行

雨氣仍蒸白日殘水雲入楚更漫漫晚行惟覺江流大
北望纔餘斗柄乾林屋微茫浮積潦風檣我軻走空灘

座傍起伏山疑盡立向危舷縮手寒

車行信陽州山谷間

車聲忽隆隆舉掌惟見霧自朝行及禺天始白日吐方
午覩入谷雜花散馳路坡陀起爲山其勢益奔赴憑軒
計林麓瞬歷景無數有如臥游時縮繪在縑素雄關誰
敢當上見飛鳥度壯士屈伸臂已失眼前樹

暮宿駐馬店

五日渡一水十日越一山一生車馬上寧不歌路難而
今無此苦萬里真等閒南蔬辦晨饌北魚就晚餐聊題
駐馬店一辰期往還落日射流塵汴洛色未殘想見扶

過

桑月正掛黃流間

宿彰德府

再宿還投暮幃燈傍此城川原見經緯星斗各縱橫未
覩銅臺峻還驚石鼓鳴南來誰緩步漳水眼邊明夷婦

涿州

庚子荒唐世所無廟堂謀略近枝梧此州十載初經見
猶恐篝燈夜有狐

夜渡濟南黃河

鈎月微茫助晚寒黃河聲裏客衣單風林一片如城郭
鼓棹中流欲上難

歷下亭

北海當年築此亭
高歌時對歷山青
龍蛇宛宛動牆壁
荷葦蕭蕭入戶庭
坐久不知斜日盡
風來還遣醉魂馨
平生索寞緣人事
極望高鴻日自冥

青島

島樹秋生夕照多
蓬山相對鬪嵯峨
十年風物成殊國
三疊樓臺壓巨波
薄醉不應憎魯酒
中宵還自起夷歌
繁燈照水如星漢
漫約仙童與戲壻

渡海

衝風忽南歸
海氣撲布袍
秋事不可測
星斗夜呼號
前

退

浪復後浪孰與量低高人事有起伏渡者覺其勞出門
二十日還家語兒曹昏昏一晝夜譬如飲醇醪飲量倘
弗勝不敢顧酒槽

次韻投沈子培

海雲千重不到地東風吹雨西風晴世間底物浪語得
高處觀人冷眼明縱養木鷄寧善鬪試權燕雀孰爲輕
吾曹廢棄誰攻短畏見東家禮樂鳴

危樓近海長生霧專夜蛟虬欲詔晴幻想潮迴雙鼻吸
心光月出四旁明從渠得失鷄蟲論差信平生壁馬輕
入夢鈞天成絕響報晨鐘鼓枕邊鳴

題楊昫谷西樵吟卷

西樵暝色竟何如
比似匡君擬結廬
索勝曾趺飛瀑下
撥殘還袖此山孤
憂來歌哭非鄉社
別後烽煙入畫圖
却憶雲堂鄰咫尺
果能相約耦耕無

諸貞長李拔可自鄂至

諸李脫身兵間至
藏書充棟從遺棄
畏兵避走不入山
所遭却與古人異
我亦賃廡居囂塵
苦雨昏昏三日睡
從來英雄出屠狗
吾曹讀書了無事

冬至

此日不肯短
新悲益自叢
若非年有閏
及此歲將終
避

溫

世方求海移家類轉蓬潮鳴鐘鼓外衰聽與誰同

東野詩云郢唱一聲發吳花千片春吾尤喜之襲

以發端

郢唱一聲發吳花千片春歌人色殊衆舞者意誰真偃
蹇陽臺上踟躕洛水濱烘堂舊明月猶照綺羅身

卜居

卜居何處得修椽倉卒攜家借一廛鄰閣遞香歌晚晚
風鐙入曉與迴旋寢興自踟知非計鬢髮從茲不更編
未擬久留江海地寄書先問寺門田

信天翁

平生性迂闊了不治生事意若天雨粟常爲貧人賜寧
知信天鳥饑寒莫能避翻令田舍翁笑汝大不智

真長齋中夜談

三日不見風雨阻昏暮叩門知不拒臞如枯木劫火殘
促坐哦詩蝸角許黃鐘鏘鏘君子舌夜半宮商耐含咀
天明漏盡鵲自喧濁世無能共莊語

再示真長

文章有情用機杼織愁入肌日幾許天功萬物能表微
夜夜寫詩蠶在楮試持短燭照箱篋吾家羞澀如貧女
寒雞未鳴盜弄人那信蛾眉甘獨處

退

悼亡詩

憶君生平言徧歷九迴腸思君生存日未如此夜長孤
燈黯虛幃夢見不可常再起視遺挂含睇在我旁生無
一日安瞑目歸何鄉當境有未察事往叢悲傷

靜女嫁貧士一世含酸辛平生同歌哭自非尋常人寒
花夜茫茫兩蟲互吟呻古聲出房中肝肺入酒醇積紙
覆塵蠹汝我夙所親韞櫝不忍敗病骨忽徂春

深悲入病臆百揮不能去兩家白髮親慰我吐酸語憐
兒更哀婦愛壻復傷女昆弟得凶問行將哭臨汝骨肉
在道途流離各無所故土魂未歸黃泉亦羈旅

修短信無常所悲死君後眼見小兒女匍匐哭左右同
穴會有期臨棺執君手神傷骨易出眼枯淚何有漂搖
同命鳥孤生那堪久一再罹天罰三歲已白首

忍古樓詩卷四

新建夏敬觀

偕朱漚尹李惜誦訪趙堯生楊昫谷徐匯寓廬不

遇閱日堯生昫谷與胡鐵華聯句約游龍華寺

觀桃花雨阻不往和答一篇

以下壬子

殘花披雨若兵過白髮彌愁春事左蜂逃蝶匿色可憐
誰能載酒強相賀詩來期約苦不踐夜窗再展眇昏破
東坡山谷有家法更喜少游珠玉唾吾曹所穫在苦吟
苛稅幸免詩人課寒蕘得蛭咀貧味切莫籜龍冤殺个
日昨造門未裹飯但覩枯茶生壤銜心念主人竟何適

止此久如甦耐坐我眉險熾不易上朱霞雲堂路亦坳
避人東海良暫安合眼還家夢頻作會當同爨煮舊字
甘讓市兒呼醋馱日投一詩亦不惡勝遣吟腸輒啼餓
空腔悉索持送似報餉還期迭爲和

次韵再和堯生鐵華並簡昫谷

清明初屆三月過節物縱芳今昔左江樓風幕燕所棲
得免漂搖吾亦賀龍華花枝爛幾日眼中完春惜殘破
誰能收拾入吟卷二子新詩成咳唾維摩取嘗四百病
蒲團唱偈早晚課我行著衲入此社短髮如僧白个个
一飯能療二三日饑竈下何妨冷煙銜雲堂本與朱霞鄰

欣

兩寺合迎方丈坐要知江海非久計腰脚莫憎山路坳

楊生屢語當北行畏見春明柳花作囊書燬半彌念惜

餘歸更恐無馬馱不觀漱唐新昌胡焚諫草辛苦蓼間

蟲自餓靡蕪采采空嘆嗟我歌迷陽君須和

三次前韵和堯生並簡伯嚴漚尹惜誦語不答其

疆村椎髻市邊過春風惱人吹袵左詞成貌擬推背圖

漚尹新作浪淘沙慢占者從之筮人賀昨臨書几共晨

夕縱不得酒衰顏破相期再詣雪王居堯生自餘花亂

點惜紅唾詰朝忽去緣何事學省生徒况休課羣烽照

地城已空昔日可談今沒个惜誦邇來亦不面想見室

中塵滿銚春冰野乘勤寫記攔筆應來竹間坐我居甌
脫門掃軌客枕幽單生困坳頗同日密前境怖更學寒
山慵懶作貝經自是遮眼物羸馬將歸法華馱靖廬山
色寧不佳政恐墻間有人餓吾詩寫似散原老會約荒
歌鄰答和

夢婦面壁趺坐高崖間有泉繞其右就語不答冥
然而悲遽然不知所之爲作是詩

樂事漸向稀憂端抑何衆夜長求就寐輒被寒雞弄擁
衾誰慰語展轉尋悲痛倏忽至君旁握手當一慟就語
了不答趺坐巉巖洞四壁孕瓊玉一泉流乳漣伊何太

退

荒境但見天宇空冥然覺在床病翼難飛控骸骨便同
穴知否雲居共既醒弗見君恨不長在夢

壬子四月送婦弟奉母至潯陽別去明日予渡鄱

湖過姑塘八里許石磯覩鑿弟沈舟處痛絕復

蘇旣抵南昌久之追寫九十字以紀予哀

喪婦百廿日但覺事事非寢興久無節辰出亥始歸朋
友勸強顏面從心與違亦復厭見我嗔我終日欷惟可
語婦家百語百痛譴一朝別歧路守雁真孤飛淒風饕
湖船往渡姑塘磯寧知後死兄去死亦幾希顏魂厭皮
骨久絕復來依

謁墓

孟夏涉墓門山木蔭已老手植拱把枝今茲各環抱去
里逾十年匍匐告皇考衣冠易初制野服照塋草矧爲
異代民孺子髮亦皓銜哀撫弟棺淚若天池倒諸孤不
成立教養待吾了脫身兵戈間又復喪而嫂鄉人勤慰
藉酬答吻爲燥吾生留此眼及覩世變早垂老念衣食
田舍且莫保旣夕出墓廬徘徊桑與稻流泉繞荒壠羣
峯插蒼昊

壺園雜詩

人生髮改白何藥還爲童里中見諸郎八九稱我翁齒

輦日以尊意氣難自雄俠俗方犯禁年少矜有功吾猶
志不及行以自苦終田園可閒閒春老將誰同取足容
一身便當效壺公

小園雜花樹灌溉舊成列牆桑忽僵死碧桃亦枯折淒
其十霜隕我歸終不決東皋月始上窗扉坐清絕草木
有常情繾綣主人別菟裘久不葺及今勤補綴校書近
馬隊吾寧治生拙

南軒可披襟節物遂潛改炎勢日有加百骸日以怠陵
谷茫昧然舊歷肝腦在憑高甚非計縱覽意多悔薇蕨
亦可貴時至始堪採十策九速亡吾爲國人殆

壬子午日追和庚戌辛亥午日韵示真長苦鐵

未信新春勝故春危樓親見海揚塵野田薤本力難拔
牆援榴花浪笑人屈子沈江緣獨醒鍾馗食鬼詎能神
祇今舉俗忘荆楚吾輩依辰老此身

疊韵再示真長

江色微黃酒可春江樓殘日激流塵坐餘雲物驚雙眼
瞥見燈衢走萬人瑣瑣商量衣食住勞勞贈答影形神
此生便擬安蓬累回首須彌一粟身

過同樂里舊居

客燕窺舊巢慨歎如人情而况雙棲鳥今日不同生南

街樹交柯北巷車自鳴躑躅循往跡寒暑已數更世亂
鰥且病念我如孤惻

爲冒鶴亭題其先世巢民老人菊飲詩卷用原韵
莽莽高天意再荒窮秋風露到蕪堂卽今來復真成讖
漫欲招魂恣所嘗殘菊何心叢涕淚故山披髮事佯狂
獨嗟賃廡屠沽側等與巢翁共井鄉

義農綿邈世彌新一卷今能寶蠹塵私史感書文字獄
夢華淒弔市朝人兵戈滿眼方投老薇蕨充車莫療貧
黨論但聞尊復社誰持風義匹侯陳

壬子秋期題綴芬辛亥自製詞

七夕星河去復回人間秋至老相催但餘缺月供愁看
始覺浮生可重哀墮彼大荒生死隔颯來孤枕夢魂猜
十年遲我詞成讖一握桃絲慘澹開

重至蘇州夜宿漚尹聽楓園賦呈一律並簡大鶴
閩門柳色最淒清夢逐吳鴻復此行秋去隔年循短巷
市荒入夜似山城幾人白袂能終臥二老黃巾了不驚
還向萬蟲聲裏坐薄雲潮擁月微明

壬子雜詩

讀書氣無餒中有不死情收心向枯淡撐腸忽崢嶸温
蠖世相蒙是非難見爭盜跖在吟口且同堯舜名嚮利

温

即有德天道豈其平亦欲常夢夢陰目恨不盲荒途日
幽遠發憤乃思精淵明忘得失而亦詠荆卿

羣醜久不殲竊鈎未當死道喪國無人若輩斯並起英
雄果何物市井無賴耳日日飲狂藥顛倒漏舟裏鄧通
鑄銅山富貴誠可鄙用師絕一源其利矧倍蓰亂世涉
末流河清壽難俟

杞人昔憂天衆皆笑其愚禍至無唯類牽髮痛全膚前
蹶後亦顛忍責一日孤痰疾有過之曷嘗見昭蘇棖棟
既崩折漂搖風雨餘庀材事告嚴善匠乏公輸懷葛義
已遠斯民非其徒羣龍無首吉爻象歎難符

蔡澤志梁肉數月歸相印豈直人惡之彼亦懼身殉
材騰諷說不得輒傳刃噴室議一闕蠢蠢互排擯
椎牀破顏面醜此村婦釁鄉鄰披髮告火事汝宜
慎酷暑方焚和誰能免爲燼

道旁追寇馬馳車已充國睽閃一世奇當之有驕
色萬金買鬪裘千里恣珠飾縱欲求無厭豪奪意
甚得含生將陸沈衆喘用喉息豈獨於陵子槁項
就匍匐

周道鞠茂草澤蕉相枕藉怒焉濡尾狐貧哉扶臍
麝司農方仰屋前箸未成借事急且奈何此策難
便罷用材周下原癸乙將見迓其咎誰尸之毋徒
肆嘲罵

尾大有不掉魚爛難復全錄兵久無計殘殺且百年况
當強鄰伺而我中無堅辛毗實選粟仗節未敢前但苦
元規塵西來逐風旋黃繚生南方重慳怙不悛恣睢見
顏色杯酒莫解權佳人亦從賊靡靡意可憐幕中弄刀
筆黨論務其偏平生毀不識誠不值一錢

九隅昔無遺能不執蚩尤四臯用咸服厥惟疏共段此
輩作戎首再逞不軌謀詐發出市中寧非天下仇司勳
黨其私且欲盡以侯誦義及躑跖有口皆悠悠邦郊衆
鬼新白骨如裸丘彼方壯京觀而乃爭一囚

信宿金山下曹氏園用東坡金山寺涼字韵答真

長

東臯盤散月孤涼分領僧徒下舍香風露入秋侵坐列
莎蟲專夜織愁忙得安短榻依初地無住疏鐘出上方
獨有沈哀勞夢寐與君商酌到微茫

次韵再示真長

江居先怯九秋涼巖桂花稀柏散香風過覆巢殘鳥在
日斜窺隙冷蜂忙野湟隔援流腸曲古戍圩山疊頂方
息影浮圖千尺下午吟鐘定暮迷茫

三次前韵戲調真長栗長伯蓀

八月西風江上涼薄棉知暖飯知香客中一一連牀好

詩後紛紛入睡忙不覺寺鐘穿屋破誰看山月下庭方
吾衰未解安心法夢踏秋橋夜更茫

貞長襄庭栗長伯蓀應伯同登北固山甘露寺四

次前韵

破空笳吹咽雲涼劫火燒餘梵字香僧榻已無容客處
佛堂還見點兵忙江天落日成孤注淮泗狂流各一方
扶掖危欄同數子眼隨殘雁墮蒼茫

還臨秋月潭五次前韵

峭石瀕江襲晚涼古苔緣壁篆殘香鳥知空穴來風易
僧下層巔汲水忙未了吉凶真隔世所餘歌哭動諸方

便應坐待秋潭月扣角同君析眇茫

中涿泉今在金山迤西葦田中王可莊守鎮作亭

覆之

柳夾長堤晚更蕪江吞殘日入菰蘆蹄涔乍見新潮落
腰腳頻頻短杖扶一勺波心誰覓得中涿泉脈未應枯
覆亭分舍安茶竈坐看桑田世已殊

海月

海月初生色正丹疎林雲氣散漫漫旋移素練懸空戶
漸縮金盆作小盤往事霧星成夢憶中天風露到更闌
荒江更泊岑樓外要遣愁人獨夜看

秋盡

白帝荒荒興已闌
眼中秋色亦凋殘
光銷檻菊花如瘁
聲下庭梧葉自乾
始信物情趨脆弱
祇餘魂夢沒遮攔
覆巢尚有饑鳥在
毛羽衝風愛惜難

秋旣盡矣原野之際風厲日薄輒書所見

江山來入眼
眼到極蕭瑟
萬物皆腐棄
狂飈任呼叱
騷在草莽難與言
紀律不待三五朝
摧毀已云畢
途窮有妄念
落日或西出
江水去不歸
吾愁自茲溢

十月朔日甫立冬風雪大作適得真長煙台雪晴

見寄詩因次其韵

灑窗霰雪積如塵祇仗僧房楫拙春白髮已憎秋色短
朱方還訝早寒新坐敷敗絮江風底夢逐行襟海日濱
應念寺門松栝老空存皮骨臥龍身

次韵答拔可煙台見寄詩

老至談言莫解紛紛較年差長更慙君厭聽江寺三更雨
却念蓬萊一片雲斷木溝中誠不斲良材爨下未應聞
况如寡鶴摧風翻鷄鶩飛飛未可羣

贈嚴幾道

至道不進闡在止托玄義嚴子出所學海內宜受賜世
風日紛靡後生獵高位嚴子始歸國彼輩尚童稚剽竊

退

纔一二三壟斷天下事子今髮已禿曾未獲一試遂令曠
古功堂堂贖文字

渡江至浦口

十年身在江南國登樓開簾見江北江北諸山隔闌檻
四時俱作好顏色橫江波深不敢渡欲渡愁風使船側
昨朝北行及浦口目覩羣山如舊識老來健忘棄圖志
山名思索苦不得回望金陵一片山江光照影晴如拭
本來面目誰不如稍遜江南在塗飾

滁州有懷左良孫

左侯昔治滁約我屢不至侯今挂官去倏忽歲已一一郡

中好山川亂後獨無異農家務耕種不藏殺人器心知
侯有功教養盡能事世風變雜進薄視經術吏頗聞江
淮間縣宰不識字若是子之迂殆恐非其類山城日過
午鰥客誰邀醉侯去吾始來登臨少歡意

渡淮

淮流及此更漫漫竄挾風沙入地寬直使穹天難掩覆
惟餘落日敵荒寒雁聲一一南飛盡山色微微北去殘
十月輿梁初渡客帷車閉置帶愁看

夜宿徐州

寒日去大原無力延短晷山林入深黝天光白於紙饑

客既晚食風窗亂刀七輻輳及古郡奔車夜投止荒崦
明寺鐙始悟不近市堅城隱深霧牧外壘高壘盤旋策
疲轅土角露馬耳昔游恍在夢茲景吾能擬

利國驛

倏發銅山過柳泉驛頭朝日霧中圓劫來再覩人間寶
齊楚陰王豈信然

過鄒縣

此城世郭郭草木有天姿日中瞻陵廟穆然發深思孟
叟王者才生當戰國時苦口說齊梁舍我歎其誰道高
不適用不如衍與儀羣辯徒紛紛紛雖聖無所爲

兗州作

窮冬歷大野入午亦屏營雲將遭鴻濛日高風能晴微
塵結堅冰播颺搖目精岳氣知不遠在藪殊肅清東臨
衢處國是州何縱橫板築舊九襲屹然見崇城牧廣路
無轘土厚車不鳴牆屋各開拓餘隙菜可耕果林葉早
盡想見春夏榮麗譙察秋毫原隰萬里平由來齊魯大
吳莫與之京

曲阜孔陵恭述十二韻

吾行足趨趨莫登聖人堂寤寐美宮室屢面數仞牆晝
趁天日明宵就膏火光授讀畢六經籀誦聲鏘鏘縣中

有孔廟歲歲祭有常童時見俎豆至老不敢忘裹餼及
陵下素願今始償日午城翼翼寒冬柏蒼蒼林有鳳不
出海有龍而藏山高不可企海深不可量

自泰安入濟南車行泰山谷道間日晡始盡得詩

四十韻

載馳入青徐莽莽千里原高厚浩然氣積此時一尊羣
壤營大聚億筭皆東屯壯哉國有枳翳爾山之樊衝陌
勢開張塔寺姿昂軒行賈頗充初負轡亦囂喧買致一
拳松胎彼千歲根玄冬雖凜凜物色自溫溫少焉及谷
口仰止惟崇垣方駕銜首尾衡輓相鈎援飀飀飽厲去鷹

蹄急追放豚流覽駭萬象回顧愕精魂稍卻修嶂迴復
逼層巒罇或翼禽奮張或骨獸猛蹲或鱗髯而磔或介
首而髡神房翁縹緲仙閨女嬋媛嵌空冰雪白俯海雲
霧翻想見臨日觀會可呼天閣昔者聞父詔於茲參化
元披衣立頂石夜半明朝曦機綜何冥合宙宇彌吐吞
匪惟魯所詹直以震爲門開闔電一瞥圖書視久存三
古世不遠六合難具論我今賦北征所歷得微暄但欣
乘櫺過未獲磨崖捫緬往多附麗何者饜批根視精隆
壁請德至升柴燔豈謂神祇荒將令黃兒蕃銘策易磨
滅政轍誠儉昏等之禍福極而况事物繁哲人戒躓垤

仁者心動旛神來滿坑谷意往平恩冤未能萬蟲負乃
馭六馬奔斗杓誰與齊落日不留痕坂幽平者陂壑暝
清而渾星光出隙罅黛色終眇眇杯莫薄魯酒媒敢告
齊婚平生喜兀岸茲游開鈍惛崇高不自伐胸中難狀
言

南歸漫賦

鳳城莽莽墮煙塵密雪繁燈事更新萬騎不還天上客
一丘何異古之人誰云約法能興漢愧我無文足劇秦
十日懷歸寧太速江湖留與葛天民
旣除婦服哀不能盡詩以道之

世間候再寒地下亦一年登丘望落日夕夕沈虞淵斯
人好顏色一往不留妍我非金石軀在理無獨全始喪
恍暫別疑君便當還魂魄逝益遠夢寐眼將穿兒女如
雁行幼者及長肩長大母不見但在阿父邊攜兒往野
哭野老嗤我顛顛亦莫自持知且不謂然誰能剖胸臆
告使陌路憐歲週服既除日久境必遷肺肝習悲酸奈
非藥可痊入夜朔風凜缺月空中懸風凜有時溫月缺
有時圓惟人生死際破碎不復全

題陳子言隴上詩卷

晚時皆學宋君獨邁唐音不作入時語惟餘忍古心堂

堂臻此境瑟瑟動孤吟羅隱歸來日空絃塞雪深

移居又埭角口占

吾聞鳥擇木未聞木擇鳥得樹三百株巢居不爲小
我生不憂貧遂無立錫地生履死葬之地亦未我棄
佳人逝不歸骸骨久在野我居松柏間陳屍高屋下

壬子除夕

屠蘇杯在手此歲遂除畢豈惟一歲除吾年亦除一壬
子溯庚子追論至戊戌駸駸十五年頗已懼今日吹灰
弄葭管舉世弗中律何從尋好春到我寫詩筆

忍古樓詩卷五

次韻答真長 以下癸丑

凌晨裹飯至入門問歌詩感君存此問請以詩答之自
惟天地間何處置我宜散之恆沙星一片明河漪奈何
復有月亘夜相俯窺我心與明月萬古以爲期終竟有
缺憾造物誰匠師宿草纏荒園及春黃淒淒不能去諸
眼留以叢舊悲那復興到語痛發止肝脾鶯燕影亦好
何似春鴉兒比巢屋旁樹叫啼各以時鷓鴣獨先鳴羣
不察其私庭前梅放花喚看枝離離春色縱可歌老爲

少所嗤謂君不知我持詩更似誰

同次真長拔可韵

凍雨不知鐙夕近東風挾自海中來我無客座温温酒
但借鄰牆白白梅老至交情真有數置之丘壑亦需才
便教七日無煙火肯斲松杉竈下灰

辨天次前韵再答真長

閱居課草木疏雅而箋詩嘉植在榛莽日暮孤惜之托
興至排惻歌好哭亦宜稍縱與槃散俯影向冰漪姿形
日老醜空枝誰來窺傷春無時無何況及春期雜樹初
未識往求橐駝師修籐連雙柯庶免風日淒誰知漂搖

温

心去日歷所悲佳茗如佳人倦坐一沁脾開軒納嚶鳴
交交黃鶯兒俊語出強舌排調或以時羣雛方待哺彌
復念我私寄生牆隅桑咄咄實離離行歌白邨下耳聞
路旁嗤天桃將著花春風能語誰

春寒

祇覺春寒無盡期連朝愁雨損花枝玉人肌骨如花瘦
不信東風與汝宜

次韵答真長

入山誰謂逃聞見等此無涯一寄廬匠氏奚求百圍木
惠施空有五車書籬根花嫩春緣屋海上風來夜響欄

語解嬾隅究何益與君還記客吳初

人山寄廬草木詩三十首

豈賴嘉陰蔽十車風生二木日光餘老夫禁斫旁邊樹

為汝兒孫異散樗 豫章

亦布陽和歲暮枝中心三五碧抽蕤何年移種荒江上

氣自孤高地自卑 松

欲絕人間翹象窺虛楹入夜臥蛟螭橫柯一一悲西指

落日無成但見虧 柏

葉如翠柏身如松夜篩明月號長風睡起偶來當此樹

窗間一片寒秋崧 檜

退

老碧攢叢短檻隈子孫自長不須栽皮毛剝盡存真實

那畏樵斤割癭來

栴檀

此本盤紆定百年還能借樹作參天花藏小睡春難束

祇覺中間木可憐

藤

翻空亂葉舞嗟嗟日轉虛廊蟻夢過誰信幽人紛內美

獨懷佳色在寒柯

槐

野人祇傍石南居合饌江頭白白魚破萼抽蕘俄頃事

樹頭秋穫那無餘

石藍

蠟彩千籠照座間經霜無改靜姝顏人家修飾施牆援

我愛天然略不刪

女貞

樹下跌床誦法華柱天柱地散千花朝開願見東方日

暮合彌傾日影斜 曼陀羅花

一片濃春無處說此花能自寫傷心江波濯錦誰知好

屋角紛紛日又沈 辛夷

虔州地暖春前發移到江南二月開怪道折來花似玉

吳人疑是白玫瑰 山茶

桑老枯強半羅敷蠶易饑空筐承瘦葉能換幾篝絲 桑

蕪黃豈不密風策恨飄零寄言獨醒客食此便俱瞑 榆

小樹色可嘉短短纔數尺助長亦多方不閏更何戾 楊黃

壞壁難施堊竇緣此蔓生宵征有蜥蜴蚊蚋竟無明 荔

過

此木已深根結實可十缶包藏中心酸寧忍金刀剖

梅

濃青被階除晚露殊沆漑生長巖山廬肩經床下拜

書帶

草

君子與佳人本自同根蒂持比猗猗容一矯夭夭麗竹夾

桃

黃梅初溽雨盧橘滿江南莫教饑鳥啄留此洞庭柑

枇杷

弱枝初吐葉已具九秋容攝攝東風裏春人醉亦濃

楓

春風日狂追百卉悉披靡此花獨殿軍屈居作奴婢

芍藥

浸淫三月雨川谷起波瀾飄花莫怨水祇作去年看

桃

久入簷葡林見慣了無異不惟花無香抑且我無鼻

子梔

碎纈初如癭繁紅漸滿身柔條多少力能著萬千春

紫荊

誰言香可伐鬱鬱泰山阿徙植江陂遠風霜不改柯

桂

嵩高多隱真采葉作餽飯我庭三四株亦可樂肥遯

南天

燭

卷心亦良苦一放不能收請看葉上雨涓滴付東流

蕉

全家守此株以待秋霜色會當分鳥殘人人空不得

柿

芙蓉雖易萎畢竟是秋花直待西風起還來鬪曉霞

木芙蓉

蓉

春雪

去歲初冬雪勝霜今年雷後雪尤狂亦知天意終難測

温

祇覺寒威不可當
花信欲來還寂寞
草根纔綠又埋藏
曉來更看春江水
稍待晴漪及短牆

只寓園辛夷遭風雨
摧謝師曾始來作詩
歎惋答和
花光與海氣稍稍得容
春隔日憂天變殘枝
與世新摘
稀堪一再來後莫酸
辛試看巢顛鳥相憐
樹底人

雨窗感賦

水窗閃爍電頻窺
繞樹雷聲故故遲
愁霧不明帆傍屋
雜花無序葉肥枝
青蕪滿地居何擇
白晝傷春夢可知
却念柳根能貯雨
未堪斟酌勸黃鸝

味含園西古籐作花甚盛

尋常枝葉安高架天闕爲容傍戶庭獨此蔓生機潑潑
能教花氣晝冥冥倚天照海春何限日鳥風蟲聲可聽
試與傾杯接林影祇應夜半縛雷霆

蘇詩芍藥始開
小園日日落紅疎誰向枝間惜所餘殘酒扶頭春去後
行雲無跡夢回初塵沙色裏番番變蜂蝶喧中寂寂居
咫尺玉闌容徙倚莫收閒恨到庭除來并結漢闕客吟
翻來初夏雜感

雨久溽林莽枝葉重驕恣旁行自交接上下更失次窺

溫

深將步入赤足生芒刺鞠爲蛇蝎窟人跡罕所至始不
施人功稍動復姑置及今百其力芟刪懼從事

風吹樹頭花摧落使無遺獨此賤草木蓬蓬而生之始
在數步內莽延東西陂潮低不能沒旣退還復滋造化
肯任咎諉此物自爲縱之矜驕盈鑿劇有吝施白帝豈
無兵要待腐化期芷蘭汝已矣慎勿前致辭

春樹妖且好幾日成夏木黃鳥意已盡似歎流光速前
請告燕子幕危巢易覆不如翻然去引去還幽谷方今
鴟梟鳴喜傍人家屋賈誼一少年遭逢不祥鵬

索居投真長拔可

索居萬人中所見無似人豈欲與世絕道路誰可親子
東我市西賃廡不果鄰爾音倘金玉塵座長無賓自邇
入書館七日逢一辰三朝兩朝雨臥送九十春慳來亦
吝往不見遂經旬日氣已增燠曝頂如炊薪子巷多埃
風思往知難頻盍來吾樹下脫帽露天真

索居果何爲坐臥日分半但恐鞋韞穿不惜絮氈爛開
卷見古人羅坐東西案初接多啟予再叩屢發難索居
少忌諱語古斯侃侃用知肺腑言語今必冰炭二子則
不然日日在書館一文要斟酌點勘或塗竄著書初脫
稿却與萬人看蓼蟲作事業日集盱始散散後曷不來

飲

豈亦無款段

王粲黃西風一林梅蕭瑟水鏡當道入

鴟梟鳴

鴟梟鳴鴟梟鳴鴟梟鳴鴟梟鳴鴟梟鳴鴟梟鳴鴟梟鳴鴟梟鳴鴟梟鳴鴟梟鳴

鴟梟鳴鴟梟鳴白日堂堂不聞汝聲三更五更作人語

陽烏畏汝天不明西城夜半殺聲大千家見火走驚邏

鴟梟下視發一嘯衆鳥收聲不肯和我欲縱虎捕殺汝

汝能咒死南山虎

汝能咒死南山虎汝能咒死南山虎汝能咒死南山虎

和王荆公古詩二十八首仍用其題句以發興端

兩馬齒俱壯襲養在天廐一馬崇威神衆驚恩進驟一

馬亦寵倖當時從西狩同阜相齟齬爭食藿與苜拊之

不以時一朝缺銜鬪游畋始不戒萬乘忽顛覆餘駿氣

益瘳伏樾饑且瘦造父莫回御承華早非舊
春從沙磧底所向無南北挾抱黃蜂來百花不能勒潛
雷破腹出一響蟬奮翼青天雨初斷昆蟲已交織阿婆
嗔浪語老醜尚妝飾單衣往追春去路苦無極東風論
才性聖處卽爲賊傷蕪以窮年荒荒九州色

晨興望南山天光未臨扉左海如側鏡仰照煙霏霏夸
父果著力波瀾起朝暉蛙黽收鼓吹殘星遁安歸魔魘
貪夢長不肯開睡幃猶道是夜半人言宜曉非
結屋山澗曲種松路石旁有時澗與松上下聲宮商旁
有數散木秋至葉葉黃西風一抖擻蕭瑟尤難當道人

初止此取足跌一床但念去塵市便是安心方夜半驚
衆籟兩耳無處藏

朝日一曝背溫暖如緜袍施之九夏際著體煎脂膏非
時曰德汝稍智當立逃介推不言祿豈不猶可高我昨
入棚場一看升木孫捧持楚人冠意謂主所褒覩此廢
然返始悟畢生勞

黃菊有至性欲使秋氣仁淒淒霜露中作花彌苦辛昊
天豈嗜殺不殺非愛人西風操利劍努力誅荆榛但當
存嘉植以待萬物新

少狂喜文章老不捐故紙以遺有涯生而名無涯死漸

於淵海中別擇一滄止文章自我作人見不謂綺持吾
所是非未敢牽就彼

吾塹有二鷄日夕鬪其距兒曹玩兵法奮迅助以鼓強
弱久不分相持莫先取旁鷄亂其羣白晝號風雨幡下
忽選粟兩罷不再舉兒怪語我狀竊笑鷄不武我聞憮
然歎命兒告鷄所三戰敗不差七擒斯爲虜積慮圖一

決寧必待天與鷄爾何怯爲不決誰奴主
少年見青春頗獨異恆狀但覺春風來於人多子孟浪矧
今老將至氣衰莫之抗東鄰同歲子鬢髮黑無恙一生
不傷春歡娛到年壯風花正作惡蹠躩空江上同時作

退

春游白頭怯吟望

白日不照物羣陰私所私吾首有二目所職亦已虧安
得上青天自身代兩儀毛孔放光明以絕魍象窺

草端無華滋黃黃到天垠誰擲一星火兆此三日焚狐
狸草中居孰如豹有文林焚豹失穴狐妖張二軍入居
豹之穴神或嘉其勳夜鳴向篝火彌令楚多焚

一日不再飯忍饑吾所能便令一飯無其亦事之恆顏
淵在陋巷孔子枕曲肱聖賢且不飽於我何羞稱
秋枝如殘人衰老誰掛口萬蟲號病葉兀兀戴星斗燥
吻炊枯薪著火灰八九相憐爨下物日掃勞敝帚

青青西門槐稍以緩吾馬不去寧不差難居盛名下回

頭看覆屋那復完片瓦去就豈偶然萬事不可假

天下不用車誰與載鬼馳徒行日百里千里亦可追自

吾有車馬人鬼同乘之還當存吾拙毋徒用車爲

山田久欲圻羣盜布蝻蝗低下復苦水頃化魚鼈鄉城

中戶十萬一夕傾官倉兵符下州縣更索軍中糧草芥

誠昧昧祈福寇賊旁養虎以自斃或且作之俵兵氣召

饑饉罪不在巫尪

聖賢何常施學者宜善悟六經言完完不以飽蟲蠹孔

子稱殷人周冕而殷輅令居後王下誠不達時務李生

退

流人錄將以姓里著愧無伯夷仁未可驥尾附

李審言將爲海

上流人錄

散髮一扁舟東浮入滄海海大無還期去矣不可悔秋
星露舫底古有珠百琲好勇如仲由從之三千載
道人北山來知我南山遯問我去城中二山孰爲遠引
去看北山幽幽曲度層巘老松生琥珀修竹連坡坂吾山
雖可居種樹恨已晚留汝松竹下信宿不思返

今日非昨日昨卽古之末明日念今日復爲古所奪青
天急轉捩誰歟動機筭鷄鳴一夢醒失去江上月

秋日不可見秋雲晚峨峨其下爲東海昏若鏡不磨天

際發笑電喜怒難揣摩露坐闌花底明日一知如何

騏驥在霜野氣與壯士同德大不矜才骨立羣馬中世人好皮相德乃掩其雄量谷入羣馬驥以樾下終自古有德士誰肯下駟充

悲哉孔子沒天日孤其光窮今牛毛儒孰能臣素王世各聖其聖若蟻附羶羊彼果操何術而使徒日昌子哲誠過之而徒日以亡漢宋雖至盛落落侍廟堂自餘尤可哀不得窺門牆立國以宗教斯說既濫觴相要成保社於聖庸何傷

秋庭午吏散靜坐對水木當時愛蘇州久住欠小築文

退

辭與人共所有不予獨贖將詩數篇與刻東城竹父兄
莫勤問別去頭已禿

秋日在梧桐午陰得俄頃涼風忽入葉墮地聲不整掩
書散沈迷歆闕窺淺井客來再三瀆人事不可屏稍起
與周旋清月已出嶺

我欲往滄海因之上崔嵬海門不能曲百川沍沍來下
不見桑田良禾何處栽不與地爭水龍伯猶相猜而况
袖中手決非屠龍才

前日石上松枝葉稍騰上根株雖不大秉性殊崛彊意
在百年外豈爭一春長積寸且有餘還當達千丈輕雲

衣秋嵩不礙天月朗小松氣如之終竟是吾黨

日出堂上飲月出飲未闌賓馬列堂下主人未盡歡華
鏗燦綺席明月無人看舉杯勸長星一酌再亦殘主人
已易姓斯堂堂當改觀棟桷窮刻縷祇用加朱丹高花歲
一開慘淡窺闌干回晝作長夜爲樂良大難令吾操鳴
琴不忍堂上彈

次韵答李審言

平生成瓜葛恆以文字故士無一面緣頗復知我素審
言誠長者律己有法度昨者見太夷舉名謬相慕病起
盍來窺吾園蔚嘉樹其人若散木占地亦十步遺書數

温

千卷卽此是門祚棄官仍讀書餘事敢馳騫浮游公卿
間知必衆人遇不如養吾拙至死全天賦鼯眠漏屋下
接座空江注終歲對蒼莽片月來娛暮念子猶比鄰過
我咫尺路當著逍遙篇聊以釋憂懼薇蕨無地無寧必
買山駐奈何采虛名而使驥尾附靈騷情雖美蒼天却
賤訴後此再十年高文定誰顧炎風燥星斗密密如列
戍聖賢感何星詎非欺婦孺謂我感匏瓜言下真立悟

寓樓晚眺

海氣收江盡吾廬祇欠山穹然深草樹巉若絕躋攀鳥
爪青天外援枝夾道間層樓黏木末新月遂潺潺

六三園

晴川敷小景老樹縮濃春鳥自不遺世後而能學人忽
歸花下伎還趁社中神莫耻侏儒問東方腹餒頻

種菜

夕陽初去市野蔬來捆載儲以待明朝暈腥雜闐闐擔
疲失土潤味薄由水淬庖雖善烹煎鮮不及圃刈吾園
有隙地因之去蕪穢山妻課傭女胼手學種菜豆莢青
可嘉瓜蔓碧堪愛白莧已連科玉黍且垂顙沿河氣清
佳下露夜沆瀣昨日割新蔬盤餐色然對下箸輒告罄
既飽生歎慨家衆二十口口寸二尺賽稻梁縱可謀酒

肉不容貸奚事但讀書力不任操耒

急雨

天上明河不得懸陣頭急雨澡林蟬隔窗酷似多荷葉
夢裏移牀睡水邊

蟬

鳴蟬如鋸木牢抱高樹枝及老益務得遂飽風露爲螳
螂引爲類脫身幸未遲強聒出兩翼巧妙人已窺小蟬
蚩蚩然脫殼掛疏籬自可縱之去兒莫尋聲追

河濱晚望

吳河初近市渾水入人家屋尾鄰仍少風頭晚自譁泊

船無次第破岸露槎枒促促秋淞色潮來未要誇

夜坐口號

林端露羣星爍爍閃明眸萬物當其下蠢動亦不休江
河聲東逝銀漢影西流自吾俯仰之二三者皆悠悠

癸丑七夕

田家小女子巧將天上呼織女祿命永牛郎爲汝夫二
星實偕老人世妃配無銀河汎濫流微雲衣五銖體貌
不可見但見垂明珠夜涼倚闌干我與新人俱松岡缺
月下暗念故人孤

七夕立秋

溫

年年牛女以爲期底用金風玉露爲暗覺歲華翻浪水
陡驚秋色上機絲姮娥孀處愁銷骨青女孤回妒損肌
井畔有梧飄一葉分明烏鵲在高枝

初八夜翫月

秋至纔二夕月含金氣清嫦娥半面出桂樹斷枝橫彼
以夜爲晝吾知晦必明團團尚有待光彩已堪驚

初十夜翫月

青天露片月未夜光已騰舉首望松頂潔如橢圓冰嫦
娥白玉肌一夜一分增夜色靡不好雖肥誰敢憎秋江
長蚌胎水底落漁罾彩雲出其背光景自層層狡兔擣

靈藥九轉尚未能咽此山河影頤比腹中癥

秋感二章

百鳥調已變百蟲聲何幽亦各以天籟誰能止之休始
當春夏氣會亦如是不豈彼擇笑歎而必鳴其秋
秋風動林鳥白露下草蟲鳴聲互啾喧入我堂牖中堂
中吟詩客奚必感始通感自不關物比興有時窮

後園一坏土

後園一坏土不知誰氏墓墓骨掘已盡坏土尚如故人
子葬其親豈以鄰道路他人來作屋去此纔幾步青青
屋旁松昔爲墓門樹上換巢棲鳥來去亦無數我今居

此屋樹底閱朝暮
坏土如小邱
登望河上渡
西風吹葉響
空穴出狐兔
亦作北邙觀
人憎吾不惡

廢井石

修籐若垂綆
下有舊井石
石完井不存
斑斑土花碧
嘗觀周易文
井下始受革
必有其不改
豈盡捐吾昔
枯樺非甚巧
汔至亦有獲
自智猶可悲
堙之寧不惜

林月

穿林月色下坡陀
葉未空枝影更峨
徑暗徑明行曲曲
風來風去舞瑳瑳
鄰牆自峻愁先落
幃館初開恐易過
驚起巢顛鳥
八九三更無奈
四更何

中秋月蝕

街頭鼓柝忽喧闐十里朱樓廢管絃民不忘懷相救護
兒難擊餅下喉咽荒唐請藥從王母涕泣焚詩告玉川
莫訝下方稱怪事人間何世帝何年

真長以長歌和余種菜詩答次其韻

麒麟在野龍在天大盜不止聖不前我雖不聖亦不盜
時無舜跖爲之先歸而有田甘作稼往訊鄉老謂不然
竄身海角刈蕪穢短鎌在手如茅鋌種瓜種豆得有幾
饑渴所恃無根泉而我至樂有不壞日待子至相留連
瓦盂之樸勝嘉籩家蔬之甘勝小鮮天生薇蕨義不采

温

豈不猶比夷齊賢日居月諸皆西遷天道胡爲能左旋
我今與子四十年未嘗一日無羹饘

北行別真長拔可

駑馬繫庭樹將以駕脂車曰行已十日馬足恆趑趄朋
友一再餞酒食日無虛餞以果其去不去當躊躇子曰
別可念豈其不愛予藏悲在胸中念子亦有諸丈夫志
萬里而我今何如環廬多美木仰果若猿狙果盡還乞
食飼我安有餘蒹葭宿露白日氣明秋墟婦時立車側
執手攀我袂女子行遠適別我意徐徐老母扶諸孫目
盡身倚閭結思就往道百遺不能除

北行車中口占

車前岱色已殘秋北去幽燕客更愁可紀川原惟故物
所經城邑異吾州寒林欲近參差起落日無涯黯澹收
便入國門稀好夢二年三至那堪留

自辛亥每歲皆以秋北征

都中喜遇胡梓方時爲教育部曹官

白衣受緇塵漸若玉生瑕樸士入京國八九炫聲華九
衢無陋巷吾輩安可家朝來遇胡子執首交驚嗟二年
不見子面目未稍差導往觀詩廬西越溝水斜門前數
株樹日集寒宮鴉出示篋中詩味澀如苦茶衆棄子獨
守隨分趨冷衙譽我爲聖俞老樹着妍花我心比枯木

雖春不萌芽何當約子去還我江海涯

先農壇書所見

塵來如波濤壇殿晝鬱幽獨立松柏下悄聞神歎嗽先
民將斬澤後土不服疇夢忘地載厚醉酗天縱囚誰其
爲此懼后亦裂冕旒莽生周道左物物賊不休腥風霾
彼黍粲笑內藏矛

北海

匠人初水地積此荒波寒其間盛園囿曾作靈臺觀建
塔踰九重北斗懸闌干東南亘清宮闕鳳猶翔翰夢聞
鈞天樂瑟止誰三歎西北多佛寺佛亦支體殘鴉鳴古

殿中慘使晝不歡秋樹葉彫盡淚下承露盤西山蔽牆
苑落日色無丹

雍和宮

誰承大日向東來玉鑰重重秘殿開僧欲誦名渾若忘
我真空手不甘回當頭棒喝超三乘灌頂醍醐抵百杯
却怪尋常壇下客未逢龍猛浪驚猜

積水潭

北地高寒少所臨流泉杯瀉未容深得迴衢轂濺泥淨
更恐宮槐委葉侵作屋寧同江上好生冰漸沍晚來陰
荒岡插腳誠何意賸就西涯費苦吟

霜
城頭鈎月墮空寒萬瓦霜華白漸漫幃殿冷局纔一角
祇容青女夜深看

天壇

南郊雪後草聲乾風獵衣裘惻惻寒尚想鳴鐘迴玉步
空教夾陛列蒼官觚棱金爵遙相峙磐石神鼇戴可安
却有白頭壇戶在道旁跌對夕陽殘

頤和園偕諸貞長憚菽民同游

出郭車聲壓路乾馬頭驚見雪光寒忽瞻宮觀排雲上
已遺罽罽網桷殘別殿春銷無夢到長廊日薄有人歎

當時贊美阿房賦不獨東坡輟誦難

陳師曾悼亡詩以唁之

往日題詩菊影圖今看淚眼已同枯
兩家後婦才堪敵中歲重鰥命不殊
江路入屏歸夢斷風窗留燭傍人孤

國門我正逢師厚舊履情知愧聖俞

我馬來田間

我馬來田間策以入國都老習代耕力服駕態轉劬看

盡飛黃去遙遙烟中衢將欲捨之行一步不可無

八日書所見

杳靄行珠弄夕光似人重見對風廊
吳波不斂傾城豔

巫雨空愁入峽荒臘社迴車渾莫奈西樓散錦最難忘
分明洛水嬉遊日却有安期在我旁

溫室

火妃生子粲冬華要與臨軒判斷他畢竟盧生獨多智
不從礪谷說秦瓜

冰床

狐狸爲先驅已遣隔水聽寒漪四五尺敲之玉玎玎招
遊水晶域載馳白玉駟曳走風挾轉憑視雪滿軀往來
凌橋上羣仙酒微醒劉叉賦冰柱聲在動帝庭上界異
寒熱孰與觀厥瓶

歲盡南歸

上京客已久北候難早春一日忽思去去不別四鄰驚
心省漢臘禮俗最近人及時嘉拜慶長吏宜免嘖齋糧
渡河淮三夕臥車茵昨行堅冰上今觀波鱗鱗洵知江
氣暖入屋如烘薪吾廬盛松栝不見百二旬婦子出林
下爲撲衣上塵

火散金平藥水華
長限空水數日吐官
巫爾空想人知

巫爾空想人知

退

理翁年 卅 七 九

通商外國銀行